



सानसेयारि 'बड'सा' खीरालाइयाव
अमाज्यादि जिउजो लोब्बा थानाय रुयथाय, अन्थाय,
अल', अल'बाथा आरु हावबायारि थावनि, पार्क
बाइदिनि आयाव लिन्नाय लिन्नाय हैथाय ठर/
सानसेयारि 'बड'सा' खीरालाइया सेवब्रानावै
फोसावगोन/
बड'सायाव लिन्नायानि हुबा अलाम,
'बड'सा' खी नोथा, जो बयबो आंगो अलाम।

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Thursday ★ 26 December, 2024 Kokrajhar, BTC, Assam ★ Vol.-33, Issue No. 269 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

भारत रत्न अटल बिहारी बाजपेयीनि मुसुखा बेखेवदों द्वारकुसि दख 'रा एबसुनि रुपाथि माइथाय फोरबो फालिथाइआ जोबलांबाय

बारग' गाहाइ मन्थि अटल बिहारी बाजपेयीआ जौगाखांनायनि गोदान लामा दिन्थिलांदोंमोन: ड० हिमन्त बिश्व शर्मा

दिसपुर, 25 डिसेम्बर: आसामनि गिबि मन्थि ड० हिमन्त बिश्व शर्माआ दिने गुवाहाटी नोगोरमनि आदाबारियाव थानाय उटल पार्क आब गोदान भारतनि सोरजिगिरि, आसामनि अन्सायगिरि, भारत रत्न, बारग' गाहाइ मन्थि अटल बिहारी बाजपेयीनि मुसुखाखौ हाबाफारि बायदियै बेखेवना हादों। गिबि मन्थिआ लोगोसे अटल पार्क लांगोनायाव भारत रत्ननि खामानि मावनाय, जिउ जारिमिन आरु जौगानाय आयदानि मोनसे



दिन्थिफुंनयखौबो बेखेवना होदों। बारग' गाहाइ मन्थिनि 100थि जोनोम सान बोसोरखौ लोब्बा लानानै भारतीय जनता पार्टी, आसाम प्रदेशआ अटल पार्कआब खुंनय मोजां खुंथाय सानाव बाहागो लानानै गिबि मन्थि ड० शर्माआ भारत रत्न अटल बिहारी बाजपेयीनिमिम गोसो गोबोंजों मान बाउदों। सासे राजखान्थियारि मावफारिया, राष्ट्रिय सयं सेवक संघनि सासे फोसावदिगिरि, जनसंघनि मावफारिया आरु (□ 6 बिलाइआव)

एबसुआ बिटिआर गोरुबथानि आद्रा थानाय रादायफोरखौ थाबैनो मावफुंनो सरकारखौ गोखों नारसिन्दों: दिनेश ब्रह्म

तामुलपुर, 25 डिसेम्बर: तामुलपुर जिल्लानि बेन्दोंआव थानाय द्वारकुसि दख 'रा दुलाराय बर' फरायसा आफादिनि खुंगा 25थि बोसोरसालिआ जथुमा एबा रुपाथि माइथाय फोरबो फालिथाइया 24 आरु 25 डिसेम्बरआब साननैनि हाबाफारिजों द्वारकुसि दख 'रा एबसुनि लांगोना मोखांआव जानानै थाडे। हाबाफारि बादियै तामुलपुर बियाबनि एम एल ए जलेन दैमरिआ 'द्वारकुसि जारिमिन बिजाब आरु



गोजोनफु रि बिसम्बि 'खौ हाबाफारिखौ दख 'रा एबसुनि बेखेवना है थो। द्वारकुसि दख 'रा एबसुनि रुपाथि माइथाय फोरबो फालिथाइनि गेवलां मेल (□ 6 बिलाइआव)

खोला बिजनी दख 'रा एबसुनि सनाथि माइथाय फोबों आरु सावदरभिता गुदि बर' थुनलाइ आफादिनि जथुम खुंनो साखा फारा

भवानिपुर, 25 डिसेम्बर: बाक्सा जिल्लानि सालबारि महकुमानि सिडव थानाय सावदरभितानि खौसेथि फोथाराव फेगों 27, 28 आरु 29 डिसेम्बरआब सान्थामनि हाबाफारिजों दुलाराय बर' फरायसा आफादि (एबसु) नि खोला बिजनी दख 'रा आफादिनि सनाथि माइथाय फोबों आरु सावदरभिता गुदि बर' थुनलाइ आफादिनि 18थि जथुम्माखौ जुथायै खुंनो साखा-फारा जादों। सान्थामनि हाबाफारिजों फेगों 27 आरु 28 डिसेम्बरआब जथुम्मानि गाहाइ हाबग्रा गेट बेखेवनाय, आदार संग्रा जायगा, जौसां, आदार जाग्रा जायगा, थान्दै बादा बायदि बेखेवनाय, फिरफला बिरहोनाय, गोसोखां मान बाउनाय, थुनलाइ, हरिमिआरि बादायलानाय, थान्दै मेल, हरिसुआरि गौमा, मान बाउनाय हाबाफारि, सावराय जथुम बायदि हाबाफारि खुंगोन। लोगोसेनो जोबथा सान एबा 29 डिसेम्बरखालि साननि 12 रिगानिफ्राय एबसुनि खोला बिजनी दख 'रा आफादिनि आफादिगिरि जनक स्वर्गियारीनि (□ 6 बिलाइआव)

थांखि लानाय आरु सिमां सुजुनाया बारा गिदिर खोथा नडा बेयाव सहैनांगौनि थाखाय सानफ्रोमबो खामानि मावनायासो गिदिर खोथा: सोमावसार बसुमतारि

बिजनी, 25 डिसेम्बर: चिरां जिल्लानि सिडव थानाय बिजनि हालामनि मंगलियान बारआब थानाय महनि बसुमतारि गोसोखां नथांखि लानाय आरु सिमां सुजुनाया बारा गिदिर खोथा न'ब्लाडव 25 डिसेम्बर 2024 सानसेनि मेहेरगोनां हाबाफारि लानायनि गेजेरजों खुंफुंनय मंगलियान दालाइ दुलाराय बर' फरायसा आफादिनि खुंगा 32थि बोसोरसालिया जुथुम्मा आरु मंगलियान गुदि बर' थुनलाइ आफादिनि 35थि बोसोरसालिया जुथुम्माया मोजा डैने



जोबलांबाय। बे हाबाफारियावनो एबा दिनेनि गेवलां मेलआब मंगलियान दालाइ दुलाराय बर'

फरायसा आफादिनि आफादिगिरि मिजिं बसुमतारि बिथानि सामलायनायाव बेखेवना होयो दुलाराय बर' फरायसा आफादिनि बारग' रांगिरि आथिखालाव चिरां जिल्ला दुलाराय बर'

फरायसा आफादिनि लोगो आफादिगिरि सिमन्त बसुमतारी बिथाड बेखेवना होयो आरु बे हाबाफारियावनो गाहाइ आलासि महरै बाहागो लाना (□ 6 बिलाइआव)



कक्राझार, 25 डिसेम्बर: कक्राझार जिल्लानि बालाजान उफ्रा पुलिस बादानि सिडव थानाय बालाजान टिनालीनि लावरिपारायाव थांनय मंगलबारखालि हराव मोनसे गिखंथाव लामा जाब्रबथायाव बिपिएफनि देबरगाव ब्लक कमिटिनि लेडाइ आफादिगिरि आरु टिनाली-चारियालि भिसिडिसिनि बारग' चियामेन प्रदिप नार्जरी (49) आ जिउ गोमानाय जाथाया ओन्सोलाव सोमो नांहोनायजों लोगोसे गोथौयै दुखु मोनहोदों। रुबैयै 'हित एन्ड रान' जाथायनि जाहोनाव जिउ गोमानाय प्रदिप (□ 6 बिलाइआव)

कक्राझारआब जेहादीनि गोबां बिबानि हाथियारफोर बोखांदों सानै सन्देह गोनां जेहादीफोरखौ हमबाय



कक्राझार, 25 डिसेम्बर: सरकार आरु पुलिस खुंथाया कक्राझारआब आथिखालाव उतरखारि आरु हाथियार उदां जाबाय होन्ना दाबि खालामबोनाय समावनो कक्राझारआब माखासे जेहादिफोरखौ हमनो मोन्नायनि उनाव गोबां बिबानि बेरफुग्रा मुवा-बेसाद, हाथियार,

गुलि-बारुदफोरखौ बोखांनो मोन्नाय जादों। बेबायदि जाथाया राइजो-राजाफोरनि गेजेराव गोखोडै फिनजाथाय सोमजिहोदों। मख 'नो गोनांदि, कक्राझार थानानि सिडव थानाय जयपुर, नामापारानिफ्राय कक्राझार पुलिसआ (□ 6 बिलाइआव)

आनान्द बाजार आन्सलिक फरायसा आफादिनि गोदान मावफुं आफाद दादों

सालबारि, 25 डिसेम्बर: बाक्सा जिल्ला फरायसा आफादिनि सिडव थानाय आनान्द बाजार आन्सलिक फरायसा आफादिनि गोदान मावफुं आफादखौ दानायनि थांखिजों दिने बाक्सा जिल्ला फरायसा आफादिनि बान्जायनायाव आनान्द बाजारनि जुथाय मेल जथुमसालियाव मोनसे सरसनसा मेल खुंनय



जादों। गाति आन्सलिक फरायसा आफादिनि बिबान मोन्नाय आफादिगिरि बिद्युत दासनि आफादिगिरि मासि सामलायनायाव खुंनय मेलव बाक्सा जिल्ला फरायसा आफादिनि आफादिगिरि जुबिन दास, फोसावदि नेहाथारि रनु दास, गाति आन्सलिक फरायसा आफादिनि बिबान मोन्नाय (□ 6 बिलाइआव)




लांहिन मानिकपुर दख 'रा एबसुनि 40 थि बोसोरसालिया जथुम्माया जागायबाय

कार्बिआंल, 25 डिसेम्बर: कार्बि आंल जिल्लानि सिडव थानाय लांहिन सरकारि गेजेर खलब फरायसालिनि गेलेग्रा फोथाराव 25 आरु 26 साननैनि मेहेर गोनां हाबाफारिजों खुंफुंनय लांहिन मानिकपुर दख 'रा दुलाराय बर' फरायसा आफादिनि 40 थि बोसोरसालिया जथुम्माया दिनेनिफ्राय जागायबाय। बे हाबाफारियावनो गिबि साननि थान्दै मेलआब गुवार आरु गोथौवै सावरायनां लांहिन मानिकपुर दख 'रा दुलाराय बर' फरायसा आफादिनि गोजाम मावफुं आफादखौ बोफायनां 2025 आरु 2026 नि थाखाय गोदान मावफुं आफाद दानाय जायो

आफादिगिरि महरै माया बसुमतारि आरु गाहाइ नेहाथारि महरै हरेस्वर ब्रह्मखौ सायख'नाय जायो। बे गिबि थान्दै मेलखौनो बेखेवना होयो कार्बि आंल जिल्ला दुलाराय बर' फरायसा आफादिनि आफादिगिरि कल्यान राभा ब्रह्म आरु नोजोरबोआरि महरै बाहागो लायो फारियै-कार्बि आंल जिल्ला दुलाराय बर' फरायसा आफादिनि गाहाइ नेहाथारि खोदोम बसुमतारि, लोगो आफादिगिरि हानुराम गथारि, गेलेमु नेहाथारि खनिराम मोसाहारि आरु रांगिरि अशक ब्रह्म बिथामोन्हा बाहागो लाना मेहेरगोनां खालामो। (□ 6 बिलाइआव)

बैंक चेकआव Lakh एबा Lac लिस्नाया थि रोखोमनि जायो मिथिनो गोनां

आथिखालाव एटिएम एबा अनलाइन बैंकिंग सिबिथायफोर थासेयावबो हादरआव गोबां अन्जमायाव सुबुंफोरा चेक लेखा बिलाइनि गेजेरजां रनि लेन्देन खालामो। सरासन्सायै चेक बिलाइखौ गोबां रांखान्थि बख'नायाव बाहायो। अदेबानि चेक बिलाइ बाहायनायाव गोबां बाभ्राफोरखो नोजोर लाखिनांगो जायो। चेक लेखा बिलाइआव लिस्नाय समाव इसे गोरोन्थि जायोब्लानो चेकआ केन्सेल जानायनि सन्देह थायो। चेक बिलाइआव लिस्नाय समाव माब्लाबा बावनानै एबा गोनां-गोथो जानानैबो माब्लाबा गोरोन्थि खालामफ्लाडो, जर'खायै एमाउन्ट लिस्नाय समाव। चेकआव 10 लाख लिस्नांगौब्ला अन्जमायाव लिस्नायनि उनाव हांखोजौ लिस्नायाव जेना जायो। लाख सोदोबखौ इराजिआव



Lakh एबा Lac लिस्नाया थि जागोन गोनां-गोथो जायो। बेनि लोब्बायै आरबिआइनि गाइड लाइन दड, जेराव बुंनय दडदि, चेक बिलाइआव लिस्नाय समाव मोननै सोदोबखौ जयै बाहायनो हाया।

अदेबानि गाइडलाइनआव बुंदों, जुदि रां बख'नोब्ला चेक बिलाइआव लाखखौ इराजिआव Lakh लिस्नांगौ, जाय मावख'यारि बैंकिंग सोदोब बिहुडव गनायथिजानाय सोदोब आरो बेखौनो बाहायनांगो।

बैंकफोरनिफ्राय हरनाय गासैबो चेक बिलाइआव Lac खौ बाहायनाय जाया आरो बिब्दि लिरोब्ला चेकआ केन्सेल जागोन होन्ना आरबिआइनि वेबसाइटआव बुंथिखानाय दड।

रंजालि गथ'फोरनि सौरा

आं उन्दै समाव

नुबोदोंमोन उन्दै समाव जोंहाबो दाहोना लायोमोन, गोगोमथारमोन जोंहानि न'आ फैयोमोन थाफैयोमोन बाय-बाहागि सोमोनदोयाव आमाय, आदै, मादै आब'मोन, लासै लासै बिसोरो आंनि गोसो मेगननिफ्राय गोजाननिफ्राय गोजान जालांनयाव बिसोरनि बामनाय, अन्नाय महर आरो रायज्जलायनायफोरा गोसोआव आबुं थायाखिसिसै बिसोरखौ आं दिनैसिम लोगोबो मोनफिनाखिसै। बाखिआ आबुं जायोमोन माइजों बाखि सिखव फियोमोन एनजर मामु अनथाव बाथाव बामनानै लाथाव गुफुर-गोसो फाखा, जाथि दड'मोन फालोसे गेलेयोमोन आं उपले उपले। जोंहानि न'आव केसेरजों थेब दामनाय खोनासोनो मोजां मोनथारोमोन सलगरि मेथाइ। जोंहानि नबथि दड'मोन गामबारि बिफां गेदेरफोरनि बुंनय आं खोनानाय रामआदि बोरला गावग्रा नुनो थाडैइसोर बेखौ आं गोसोजों बे गामबारि बिफाडव दड'होननानै फोथायोमोन। साखन्द्रा फैयो जेरावनो मोनो बेथावनो दाथां मायरं बिफला फैनानै गथ'फोरखौ बस्थायव सोनानै लाडे थिनथिंखालाय खाबोला, मेथाइ खनबोला सानखन्द्रा फैयो थिनथिं खालाय खा खा साखन्द्रा फे फे मेथाइ रोजाबनानै खारसारला जोबो बै उन्दै समाव थिनथिं खालाय नागिरनानै जानाय समाव। खोमथा राजा सिलाय गावदों खिलामा बेरगावदों दोंसोल' सारि गोसोयाव थाबाय बे मेथाइखौ खनोमोन उन्दै समाव आबुं।

जों जुवान बिलियाव

जों जुवान बिलियाव बिजाब फराय बिजाबानो गियाननि आगदारि जों जुवान बिलियाव बिजाब फराय माने बिजाबा गियाननि साथि जाय बिजाब फरायबा जानो हागोन खर' मेलेमा गियाननि बाखि जाय बिजाब फरायबा मोन्तो हागोन बिजाबावनो सासे गियान राजा

-रैदोम बर', बाक्सा

मावनांगौ बिबाना जोबनो गैया

थारैनो थियै दोंसे लामाजों गोसोखौ दैदेननो नाजा लांनानो

जिउनि लामाया जोबोर खानदा मावनांगौ बिबाना जोबनो गैया।

सरिराम बर' राबां, बाक्सा

जोंनि बर' बिमा

ओइ बर' हिनजावफोर ओइ बर' हिनजावफोर। गावनि हारिखौ गारनाने लाबाय नोंसोर गुबुन हारिखौ। सोगाबबाय नोंसोर बर' बिमार्खों, सोर हुगर बावनो बर' बिमानि मोदैखौ? जानांबाय हनै बर' बिमाया खुगायाव खुदै मेगनाव मोदै लानानै आनि-थानि। फेदो बर' फोर खौसेयै जों गावनि हारिखौ लाबोदिनि जों बर' बिमानि मेगननि मोदैखौ हुगारदोनि। बर' बिमानि दुखुजों साग्लोबनानै थानाय गोसोआव खौसेयै जों सुखु लाबोनि। बर' बिमानि गोसोखौ रंजा होनि। फेदो बर' फोर फेदो खौसेयै आवगाय बोदो। खौसेयै जों हारिखौ गोजौआव दैखांदोनि। फे बर' फिसाफोर फे।

थरायना सोमजिला बसुमतारी

आफा प्रभु

उजि फैबाय आं माया पुरीआव, न'वा आंनि सैथो पुरीआव। मुड आंनि मिथ्या जातिया आंनि अदैथ्ये। आफा! आं माखौ सोलंगोन, आं माखौ फोरंगोन। आं मोनथिगोन। आं माखौ बुंगोन। आफा! नोंनो यन्त्री आं यन्त्री! आं र' थ, नों र' थो॥ जायखौ नों मावहोयो, आं बेखौनो मावयो। नों जायखौ बुंहोयो; आं बेखौनो बुंयो। आं जेबो नड आफा; गासैबो नोंनो "आफा पुभु" ॥

बुधदेव नाजरी गामि-स' नापुर (एलेंगारी) ला:सो:- दुमब्रि गुरी (द' तमा) जिला-कक्राझार बि.टि.सि.आसाम।

फैमाल थांबाय

फैमाल थांबाय आं आरो नोंनि मोजां मोन्नाया। जाथाय गावखौनो गाव आं जेबो बुजिनो हायाखिसै, नाथाय नोंदि आंखौ जोबोर मोजां मोनदोंमोन। नाथाय आं नोंनो अन्नाय आरो मोजां मोन्नायखौ नोंनो नो होजोबबायमोन। नाथाय नों आंखौ नागारनायाव आं जोबोर दुखुबो जादों। नाथाय आंखौ दा नों हास्थायब्लाबो मोन्नाय नंला नाथाय दा आंनो रावखौबो नाला नोंजों गारजानायनि जुनै सना। नाथाय नों आंखौ गारनायाव पाप नांबाय। आरो नों आंनि लाइजामाव इन फजिबोल लिस्नायाव आं गाबनो आंखारदों।

श्री दैदेन ब्रह्म गामि- कफरागाव ला:सो:- कमलसिं

बुंनानांगौ नोंनिसिम

अब्ला नों बुंनानांगौ नों आंसु आबुं आंनो आंनि बुंनानांगौ आंनो फिन बिदाय समाव। नोंनि गुरै गुस्थिखौ आंनिजों गोरोबफा होन्ना नों आंखौ खुदुमोब्ला बुहुमाव मोन्तो थाडै। सोरगोयाव हानाय अमृत बिदैनि आखायाव आंनावबो नांनय बायदि बेसेदि गोजोन सुदेम मिलौहाबनाय जोंनि अन्नाय मोजां मोनज्जलायनायाव नाथाय मिथिआ रजे समनि फखनाव बिदिन्थानि गेले होनायआ मा खालाम लाडे जोंनि इयुन जीउनि दैथुम आं अरायबो आरजगाबो रजे अबनि सेराव नोंनि आरो आंनि इयुन जीउनि गोजोनखौ रजे.....।

जनकलाल बसुमतारी गामि- काइ मारी ला:सो:-काइ मारी जिला- कक्राझार बि टि सि आसाम।

सिमानि हायनारि

अ सिमानि अनजालि सैनाय गोमोर लाडे नों सिमानि हायनारि। थाडे फैयो मानो नों हायनारि सिमानिल' सैनाय। सोरबा जोहोलावजो जाबाय नामा नों जुलि.....? अ सिमानि अनजालि सैनाय दिनैसो बिबार बायदि बारहांनाय, गाबोननो मोजां मोनजानाय नोंनि महरानो थाइगिर बिबार बायदि गुफुर। सानाखैमोन आं बिदि नोंनि महरखौ सानदोंमोन आं नोंखौ सिमानि हायनारि। मोगथांआव मोनोब्ला आंसो जुलि। मोनाब्ला जागोन आं हांमागिरि नुजा फैफिनदो दिनैनि हराव नडब्ला सानगोन आं सिमानि थगायसुला। नों मोगथांआव नुजा फैयोब्ला जोंनि लांगोनानि सेराव, नाथाय बिबार बायदि आंनि सेराव थाबाय थाहोगोमोन आं। नाथाय सिमांआ थगायसुला मार, सिमानि हायनारि नुनानै दिनैनि हराव जाबाय आं दानसेनि थाखाय हांमागिरि।

श्री गोमसार बसुमतारी गामि- सोनाब बिसमुरि सैद' ला:सो:- बिसमुरि

सिमां

मैयानि हराव आंदि मा सिमां नुदोंमोन, मैया मैया बुंसनो नो हाया। सानजा फेसालियाव आंखारबोनाय फुबिलिनि गोरलै जारौ सानखौ नुनानै आंनि गोरबो बिखायादि मानो एसेबां मुहिहाबदों आं मानोबा एसेबो हमदं हायाखैमोन। आं सानदोंमोन बिनो आंनि जीउ गंसे जायराब देरायाव बिजोंनो आलो गोजोन संसारा जाफुंसारगोन। नाथाय जेब्ला सानजौ फुनि दुंसारनायाव मोदोमफुबाय बुहुमाव फोथायथि गैयै बिसआ हाग्रानि जुनारफ्रा थाखुमाबाय दंफां बिलाइयाव जरासे फारौआ गाब्बाय लैथो बिखायाव, मुश्री गैयै आयनि मिनिस्तुनायाबो लांसुनियाफोरनि फानदायनायाव जानांबाय दिनै जिनाहारि! हतसुरिया बिमानि अगियान फिसा नों बुंलांबाय आंखौ बेलासि बुब्लिया अब्ला? थै गैयै देहाखौ लानानै नाजदोंमोन आं लोगो हमथारगोन जोबथा फेसालियाव। नाथाइ, गुस्थियाव जारौ मिनिनायजों खोमसि गोसोयै बुंलांबायल' बियो, अनजालु नोंनि सिमां, सिगांआवनो थार्थोंदे गुबुननो दाफोरमाय

जालाउ बसुमतारी गामि- रनछाइधाम गामि- रनछाइधारा जिला- चिरां, बि टि सि।

दिखारनि हांमा

आंनि जीउनि सिमानि मोदाय बिखायाव थानानै नों दुखु दाहा होयो मानो, हायनारी? आखाय फोलाव फोलाव लिंहरो नों अनसुला खालामो। जीउ आरो सिमानि आबि सारफावनो फैलाव बाला बारीनि बारा बारफिननो नोंनि बिखायाव जेब्लावो उनफलेनो हाया,। सहायनो हायै बारनि जेथोआव, गोदान जीउनि गोहो होफिननो नोंनि गोसोनि साननायखौ जाफुं होनो हालिया जादों नोंहा दुखु मानि दिखाराव हांमा। जादों नोंहा दाहा मानि हांमायाव गोदोनि बाभ्रा जबान बान्था नाथाय नों। सानै नों बाभ्रा राइज्जलायनायनि, सिमानि मोनसे देरा लुनायनि देंखो बोनायनि सावगारीयाव मिजिं गैयै लामा दबथायाव, सान्दों दासो हारसिडे हायनारीया सिरि सिरि इयुन मिजिंका गोगोमै गांथि खानो।

सरन बसुमतारी 12 नं महनपुर (बिसमुरि) क' कक्राझार

रनदा बसुमतारी गामि- कात्रीबारी ला:सो:- रुणी काता।

स'ना

स'ना नों आंनि बिखानों जिउनि नोंबो आंखौ दानागार आंनो नोंखौ नागारा। नोंनो आंनि जिउ स'ना आं मिथिखागौ स'ना नोंहा गुबुन मोजां मोन्नाय दंखायो थेवबो आं नोंखौ नाजायो, बेखौनो थार मोजां मोन्नाय बुडे स'ना नों आंखौ दावाउलां अनजालि दिनैनि बिबार गाबोन्तो सिरिनाय दिनैनि रादाय गाबोन्तो बावलांनय दाजासै स'ना नों.....। नोंखौ नेनानै दं स'ना.....।

जहस बसुमतारी कारियाव (बाजार)

स्पेस स्टेसनआव सुनिता आरो बुचआ ख्रुस्टमास फालिनायनि सावगारि गोसार्दो

गोदान दिल्ली, 25 डिसेम्बर: इन्टरनेसनल स्पेस स्टेसन (आइएसएस) आव थाईनाय नासानि अख्रामा दावबायारि सुनिता उडिलियाम्स आरो बुच उडलमरआ देग्लायनि ख्रुस्टमासखौ आलादायै फालिदो। बिथांमोनहा स्पेस स्टेसनआव ख्रुस्टमास फालिनायनि सावगारि सोराडव फेनायाव जों नुनो मोन्दोदि, सुनिता आरो बुच सानैबो सान्ता थुफि गान्दो। लोगोसेनो ख्रुस्टमासनि गुबुन गुबुन साजायनायखौबो फट'आव नुनो मोन्दो। बिथांमोननि बे सावगारिआ सुबुंफोरनि गेजेराव रंजानाय लाबोदो। नाथाय बेराफार्से ससेल मिडियाआव मोनसे गोदान जेना नुजाथिदो। नासाआ सुनिता आरो बुचनि अख्रामा स्टेसनआव सान्ता थुफि गान्ना ख्रुस्टमास फालिनायनि



सावगारिखौ आपलड होदो। बे सावगारिफोरनि सायाव इजराफोरनि गुबुन गुबुन कमेन्ट होदो। लोगोसेनो इजराफोरा सावगारिखौ नुना सौंथिबो खालामदोदि, बिथांमोनहा लोगोआव ख्रुस्टमासनि थुफि आरो सेलिब्रेसननि गुबुन मुवाफोरखौ लोगोआव लांफादोमोन नामा? बेनि

ओंथिआ जादो बिथांमोनखौ गोलाव समनि मिसनआव दैथायहरदोमोन आरो बेबाश्रखौ दोनखोमानाय जादो। गुबुन सासे इजराआ बुंदो, बिथांमोनहा जुन दानआवनो 8 साननि मिसनआव थांदोमोन। नाथाय दासिमबो बुहुमआव सौफेफिनाखै। गोदान जेना नुजाथिनायनि उनाव नासाआ फिन्नाय होदो। नासाआ

बै दाय जाबसिन्नायफोरखौ रोखायै नेवसिगारानै बुंदोदि, आइएसएस एबा स्पेस स्टेसनआव दैथायहरनाय मुवाफोराव ख्रुस्टमासनि साजायग्रा मुवा, जर'खायै अन्थोब आरो फोबोनि जाग्रा मुवाखौबो हरफादोमोन। बेफोर मुवाखौ थांनाय नभेम्बरनि जोबथारनायाव मोनसे

स्पेसएक्सनि गेजेरजों दैथायहरदोमोन। नासाआ फोरमायदोदि, बोसोरफोमबो आइएसएसनो थाजा रेसन आरो गोनांथार मुवाजों लोगोसे फोबोनि गोनांथार मुवाफोरखौबो दैथायहरनाय जायो। स्टेसनआव थानाय सा 7 अख्रामा दावबायारि आरो कस्मन्टसनि थाखाय दैथायहरनाय पेकेजआव हेम, टार्की, मैग-थाइंग, पाइ आरो कुकिज बादि टेस्टि जाग्रा मुवा दंफायोमोन। बेफोरनि अनगायै सान्ता थुफि आरो मोनसे फिसा ख्रुस्टमास ट्रीबो दैथायहरफादोमोन। सुनिता आरो बुचआ बैफोर साजायग्रा मुवाफोरजों लोगोसे फालिनाय ख्रुस्टमास भिडिअखौ अनलाइन शेयार खालामदो। खौरनि बादिब्ला, मार्च 2025 नि जोबथासिमआव स्पेसएक्सनि कु आ डेगन केप्सुलजों बुहुमआव फेफिन्नो हागौ।

इमरान खानआ जेलनिफ्राय गनो हासिगौ

इस्लामाबाद, 25 डिसेम्बर: राजखान्थियारि जेनाफोरखौ सुखानो थाखाय पाकिस्तान सरसाआ आथिखालाव बेरेखा दोलो पाकिस्तान तहरिक ए इन्साफ (पिटिआइ) नि गाहाइ आगुनि पिएम इमरान खानजों सावरायनो थाखाय थियारि जायो। रिपर्टनि बायदिब्ला, जेलाव जोबजानाय पिटिआइनि गायसनगिरि इमरान खानआ बुडोदि, गोखों सेलेन्सफोरनि थाखाय सरकार आरो बिनि पार्तिनि गेजेराव सावरायनायनि सिगां बियो आयदाफोरखौ आबुडै बुजिनो थाखाय गावनि पार्तिनि सावरायग्रा हान्जाजों लोगो हमनो लुबैयो। इमरान खानखौ माखासे केसफोराव दायनिगिरि हमनायनि उनाव जिम्मायाव लाखियो। थांनाय बोसोराव इमरानखौ ग्रेप्टार खालामनायनि उननिफ्राय पिटिआइनि सरकार आरो बेरेखा दोलोजों लोगोसे सोमोन्दोया गाजि जायो, जायनि जाहोनाव माखासे धर्ना जायो। थांनाय



दानाव पिटिआइनि 'फाइनाल कल' पावार शनि उननिफ्राय पार्तिनि इर्द-गिर्द राजखान्थियारि थासारिया लान्थियै जेना गोनां जालांगसिनो दड; जायनि उनाव पार्तिनि सायाव होबथानो दाबि दैखानो हमो। पार्तिआ सरकारनि सायाव 1 दर्जन पिटिआइ मदतगिरिफोरनि गोब्राबै थैनायनि उनाव इनाय हाबाफारि सालायनायनिबो दाय जाबसिन्नो हमो, जायखौ सरकारआ मावख'यारि महरै नेवसिगारो। अब्लाबो सरकारजों लोगोसे सावरायनो थाखाय साबा सोद्रोमायारि कमिटि दानायनि उनाव पिटिआइ एमपिफोर संसदआव गुरै आखु

दिस्थियो। बेनि उनाव गाहाइ मन्थि शहबाज शरिफआ नेशनल एसेब्लिनि स्पीकार अयाज सादिकनि आरज गाबनायाव खुंथायाव थानाय जुथाय दोलोनि सोद्रोमाफोरजों लोगोसे मोनसे कमिटि दायो। बे मोन्ने कमिटिफोरनि गेजेराव गिबि जथुम्माया मैया जायो, जेराव राजखान्थियारि जेनाखौ खम खालामनाय थांखिजों गोलाव समनिफ्रायनो सावरायनाया जागयो। गावनि मावख'आरि एक्स एकाउन्टआव मोनसे पस्टआव इमरान खानआ गावनि पार्तिनि सावरायग्रा कमिटिनि नाजानायफोरखौ गनायनानै बेखौ गाहाम खौरं होन्ना फोरमायो।

हाजो ओन्सोलफोराव रोजा बरफ गोवलैनायजों राजा लामा होथेना थार्दो

गोदान दिल्ली, 25 डिसेम्बर: हिमाचल प्रदेशनि गाहाइ हाजोफोराव गोखों गुसु सोलिगासिनो दड। जायगानि बोथोर बिफानआ समबारनिफ्रायनो सानब्रैथि थाखाय बिलासपुर, उना, हरिपुर आरो मन्डि जिल्लाफोराव गुसुनि एरेन्ज एलाट फोसावदो। पान्जाब, हरियाणाजों लोगोसे गोबां राइज्योफोराव इसे एनै अखा हनायजों बिदुड दावखलायदो। फेगो सान्नेसोनि गेजेराव बै राइज्योफोराव बिदुडा दावखलायबावनो हागौ होन्ना बिफानआ हमदांनो फोरमायदो। जम्मु-काश्मीर, लादाख, हिमाचल प्रदेश आरो उत्तराखण्डआव बरफ गोवलैनायनि जाहोनाव माखासे जायगाफोराव बिदुडा माइनासआव थांदो। फारसेथिं बै राइज्योफोराव क्रिसमासनि



सिगां बरफ गोवलैनायजों दावबायारिफोरनि बेरायहैनाया बांसिन जाबोदो। अदेबानि जायगानि सुबुंफोरनि जिउआव बेनि जाहोनाव गोहोमबो गोवलैदो। मंगलबारवबो गासै काश्मीर हाइनआव मिनिमाम बिदुडा जिर'नि गाहाइयाव थादो। थांनाय समबार मोनायाव पहलगामनि मिनिमाम बिदुडा माइनास 7.8 डिग्री सेल्सियस थिसनजादो आरो बेयो काश्मीरनि बयनिखुइबो गुसुनि जायगा जादोमोन।

लामाफोराव हान्था-मेलया बन्द' जायो। सिमलायाव उरं सिबिथायाबो होबथाजादो। नारकन्डा आरो कुपारीआव खावसे फुट, शिमलायाव 3 इन्सि बरफ गोवलैदो। पाब्लिक कन्ट्रक्सन डिपार्टमेन्टनि मन्थि बिक्रमादित्य सिंआ बुंदो, बरफ गोवलैनायनि जाहोनाव बन्द' जानाय लामाफोरखौ बोथोरा खां जायोब्लानो हा-था-मेलानि थाखाय हगारना होनाय जागोन। बरफ गोवलैनायनि जाहोनाव उत्तरकाशीआव गंगत्री राजा लामा, रुद्रप्रयागआव उर्किमठ-चपता आरो चमलीआव जशिमठ-बदरिनाथ आरो जशिमठ-मलारी राजा लामायाव हान्था-मेलया बन्द' जाना थादो। बदरिधाम आरो केदारनाथ धामआवबो 2 फुट रोजा बरफ गोवलैदो।



दमिश्क, 25 डिसेम्बर: दमिश्क आव दखल खालामनायनि उनाव ख्रुस्टमासखौ माबोरै फालिगोन होन्ना गिखांदोमोन। सिरियानि राजथावनिआव ख्रुस्टान समाजनि सुबुंफोरा गोखों धर्ना खालामदो। बे समाव ख्रुस्टमास

दखल खालामनायनि उनाव ख्रुस्टमासखौ माबोरै फालिगोन होन्ना गिखांदोमोन। सिरियानि राजथावनिआव ख्रुस्टान समाजनि सुबुंफोरा गोखों धर्ना खालामदो। बे समाव ख्रुस्टमास

ट्रीखौ सावनानै होनाय जाथायखौ लानानै गोखों खुदिसारदो। बेराफार्से दमिश्कनि सार्चआव 500 सिबियारिफोरनि गेजेराव ख्रुस्टमासनि सिगां सुबुंफोर आर'ज मेथाइ रोजाबदो। सुबुंफोर बुंदोदि, बिसोरो गोबाव बोसोरनि उनाव रेहायनि हां बोदो। उतकारि हान्जाआ खुंथायाव फेनायनि उनाव बिसोरो गावसोर गोजोनै ख्रुस्टमास फालिनो हागोनखौ सानाखेमोन। नाथाय थारैनो गावसोर गोजोनै ख्रुस्टमासखौ फालिनो मोन्नाजै जोबोद गोजोन्नाय मोन्दो होन्ना

फोरमायदो। नाथाय राजथावनि दमिश्कआव रोजा-रोजा धर्ना होग्राफोरा ख्रुस्टमास ट्री सावनानयनि हेंथायै लामायाव ओंखारदो। ससेल मिडियाआव बेनि भिडिअफोरखौ नुनो मोन्दो। गेजेर सिरियानि गोबां खुस्टानफोर थानाय सहर सुकायलाबियाआव ख्रुस्टमास ट्रीखौ सावनाय नुनो मोन्दो। सिरियानि अब्जाभैटरि फर हिउमेन राइसआ बुंदोदि, ख्रुस्टमास ट्री सावग्राफोरा इस्लामी हान्जा हायात तहरिर अल-शामनि सासे जायगानि धोरोमारि दैदेनगिरिआ बेबादि अर सावनानै होनायखौ सौंखारिदो। नख'र दावहा जानायनि सिगां सिरियाआव 15 लाख सुबुंफोरा ख्रुस्टानमोन। बिसोर गासै सुबुं अन्जिमनि 10 जोखोन्दो। नाथाय थांनाय 14 बोसोरव दावखलायनानै 2 जोखोन्दोनिबो खमसिन जाफेदो। आथिखालाव हादरआव 3 लाख ख्रुस्टान धोरोमारि सुबुंफोर दड।

बांलादेश आरो पाकिस्तानआ खाथि सोमोन्दो लाखिदो

ढाका, 25 डिसेम्बर: शेख हासिनाखौ बांलादेशनि गाहाइ मन्थि मासिनिफ्राय बोखलायनायनि उनावनो महम्मद युनुसनि इन्टारिम सरकारआ खुंथाय खुंनायाव नांथाबदो। माखासे मख'जाथाव आयदाफोरनि सायाव भारतखौ नेवसिगारनानै बांलादेशआ पाकिस्तानजों लोगो जादो। जर'खायै फालांगिनि बिथिडव। बे सप्ताहयाव बांलादेशनि चटगाव जाहाज गाथोनाव पाकिस्ताननि कराचीनिफ्राय फेनाय गंसे जाहाजआ हाबफैयो। बांलादेशनि मिडियानि बायदिब्ला, पनामानि फिरीफला गोनां शिप एमभि युआन शां फा झानआ रबिबारखालि बांलादेशनि दै ओन्सोलाव हाबो। बेयाव उद्यगआरि मुवा-बेसाद-डलमाइट, मारबलनि ब्लक, सि-जोमजों लोब्बा थानाय गोथां बेसाद, सुगार आरो इलेक्ट्रिक दिहुन्थाया



दंफायोमोन। मख'नो गोनांदि, बेनि सिगां थांनाय नभेम्बरआवबो पाकिस्ताननि गंसे जाहाजआ बांलादेशआव सौहैदोमोन। 1971 नि उनाव 53 बोसोराव बेयो गिबि खेव जादो, जेराव पाकिस्तान आरो बांलादेशआ लैथोमायारि फालांगिखौ जागयो। पाकिस्ताननि थाखाय बेयो गोबां बोसोरनिफ्रायनो गोसैसोना थानाय सोमोन्दोफोरखौ सबस्रां होनायनि गिदिरि खाबु, जर'खायै शेख हासिना खुंथाया जोबनायनि उनाव दरनै हादतफोरनि गेजेराव फालांगि बांहोनायनि बे रादाया

बांलादेशनि इन्टारिम सरकारनि गाहाइ महम्मद युनुस आरो पाकिस्ताननि गाहाइ मन्थि शहबाज शरिफनि गेजेराव मिस्त्रिनि काहिरायाव लोगो हमनाय समाव जायो। अदेबानि सोनाब बंगनि लैथोयाव थानाय चटगाव जाहाज गाथोना सोलोखान्थि महरै जोबोद मख'जाथाव। जर'खायै भारतनि ओन्सोलारि रैखाथि बिथिडव भारतनि नोजोर लाखिग्रा हान्जायाबो बे जाहाज गाथोननि सायाव लान्थियै नोजोर लाखियोमोन।

पान्जाबआव जानाय गोबां जाथायफोरानो खालिस्तान आरो पाकिस्तानजों लोब्बा गोनां

पान्जाब, 25 डिसेम्बर: पान्जाबआव जानो गोनां बांसिन जाथायफोरनि तारखौ तराइनि जिल्लाफोरजों जायखि जाया महरै सरजाबबोगासिनो दड। पिलिभित आरो लखिमपुरा खिरि जिल्लानि 150 किल'मिटरनिखुइ लावसिन नेपाल सिमना तराइखौ उतरखारिफोरनि थाखाय रैखाथि खालामो। बेयाव गोबां आउट पस्टफोर थासेयावबो माखासे ओरैबायदि लामाफोर दड; जायनि गेजेरजों बरकटक



नेपालाव हाबनो हायो। पान्जाबआव पुलिस आउट पस्टनि सायाव गाग्लोबनायनि उनाव खारनाय खालिस्तान जिन्दाबाद फर्स (केजेएफ) नि साथाम उतरखारिफोराबो बे थांखिजोंनो पिलिभितयाव सौहैदोमोन। आथिखालाव बिसोरखौ होसोनाय पान्जाब पुलिसआ जायगानि पुलिसजों लोगोसे गोरोबलायनानै 23 डिसेम्बराव साथामखौ गावथारो। पाकिस्तान प्रापजित मड्युलजों लोब्बा गोनां बे खालिस्तानफोरनि दखलनिफ्राय तराइ ओन्सोलखौ आबुडै उदां खालामनाया आथिखालाव रैखाथि एजेन्सिफोरनि सिगाडव

दासिमबो सोलिगासिनो दं। हामासनि इजराइलआव गाग्लोबनायाव सा 1200 सुबुंफोर थैदोमोन आरो सा 250 खौ बंखनआव लानानै थांदोमोन। मख'जाथावदि, गाजानि सावस्रि बिबानगिरिफोरनि बायदिब्ला गाजा पट्टीआव सोलिबाय थायाव इजराइलनि गाग्लोबनायाव थैनाय फिलिस्ताइनफोरनि अन्जिमाया सा 45,338 जाहैबाय।

पस्टनि सायाव गाग्लोबनायनि उनाव खारनाय खालिस्तान जिन्दाबाद फर्स (केजेएफ) नि साथाम उतरखारिफोराबो बे थांखिजोंनो पिलिभितयाव सौहैदोमोन। आथिखालाव बिसोरखौ होसोनाय पान्जाब पुलिसआ जायगानि पुलिसजों लोगोसे गोरोबलायनानै 23 डिसेम्बराव साथामखौ गावथारो। पाकिस्तान प्रापजित मड्युलजों लोब्बा गोनां बे खालिस्तानफोरनि दखलनिफ्राय तराइ ओन्सोलखौ आबुडै उदां खालामनाया आथिखालाव रैखाथि एजेन्सिफोरनि सिगाडव

सेलेन्स गोनां महरै नुजाथिदो। खालिस्तान मदतगिरि उतरखारिफोर पाकिस्तान सरकार आरो बेयावनि संगालि एजेन्सि आइएसआइनि सरपस्तीजोंबो बेनि गेजेरजोंनो लोगो हमबोबाय थादो, जेब्ला बिसोर गावसोरनि थाखाय आलादा हादत दाबि दैखानायखौ लानानै सुबुंफोरखौ बुथावबाय थादोमोन। पाकिस्ताननि बे आखुआ बै समावनो खौराडाव थाबाय थायोमोन आरो दिनेबो। नब्बेनि जौथायाव जरनेल सिंह एबा भिंडरावालानिफ्राय लानानै आथिखालाव खालिस्तान मदतगिरि अमृतपाल सिंहआ तराइ ओन्सोलखौ हादत बेरेखा हाबाफारिफोरनि थाखाय बाहायदो। आथिखालाव पान्जाबनि आगुनि लेडइ गिबि मन्थि सुखबीर सिंह बादलनि सायाव गाग्लोबनाय नारायण सिंह चौडाआबो रैखाथि एजेन्सिफोरनाव जेरा सेबनायाव हाथियारफोरनि बाखिखौ लखिमपुर खिरियाव दोनखोमानाय बाश्राखौ सिमान लादोमोन।

गाजायाव मोनफ्रोम घन्टायाव सासे उन्दैनि जिउ गोमायो

गाजा, 25 डिसेम्बर: इजराइल आरो गाजानि गेजेराव दासिमबो दावहाया जोबनानै थाडाखै। सानफा एफा बैयाव थासारिया गाजिसिन जाबोदो। फारसेथिं गाजायाव थानाय फलिस्तीन रिफिउजिफोरखौ लानानै इउएसआरडब्लिउए आ मोनसे रिपर्ट फोसावदो। रिपर्टनि बायदिब्ला, गाजा पट्टीआव घन्टाफ्रोमबो सासे नड सासे उन्दैनि जिउ गोमायो। उन्दैफोरखौ

थाखाय बैयो जेबो रैखाथि गोनां जायगा मैया। इउनिसेफनि बायदिब्ला दावहा जागायजेन्नायनि उननिफ्राय गाजायाव सा 14,500 उन्दैफोरनि जिउ गोमानायनि खौरं मोन्दो। घन्टा मोनफ्रोमबो सासे गथ'नि जिउ गोमायो। इउएनआरडब्लिउएआ मोनसे प्रेस फिन्नायाव बुंदो, बिसोरो दाय गैयै सुबुंफोरनि जिउ फोजोबगासिनो। उन्दैफोरखौ



बुथारनाया मब्लाबाबो गनायथाव नड। जाय गथ'फोर रैखा मोन्ना थायो, बिसोरबो देहायारि आरो इमसनेलि जोखोम जानाडो। गाजायाव उन्दैफोर मोजाडै फ्रायसालिनि सोलंथाइबो खोला इजराइल सिमनानि गेजेरजों हामास उतरखारिनि हेंथायै फिनजाथाइ होना नायबिजिन्नायनि थाखाय इजराइलआ गाजायाव हामासनि हेंथायै गोखौडै गाग्लोबो जाय

दासिमबो सोलिगासिनो दं। हामासनि इजराइलआव गाग्लोबनायाव सा 1200 सुबुंफोर थैदोमोन आरो सा 250 खौ बंखनआव लानानै थांदोमोन। मख'जाथावदि, गाजानि सावस्रि बिबानगिरिफोरनि बायदिब्ला गाजा पट्टीआव सोलिबाय थायाव इजराइलनि गाग्लोबनायाव थैनाय फिलिस्ताइनफोरनि अन्जिमाया सा 45,338 जाहैबाय।

पस्टनि सायाव गाग्लोबनायनि उनाव खारनाय खालिस्तान जिन्दाबाद फर्स (केजेएफ) नि साथाम उतरखारिफोराबो बे थांखिजोंनो पिलिभितयाव सौहैदोमोन। आथिखालाव बिसोरखौ होसोनाय पान्जाब पुलिसआ जायगानि पुलिसजों लोगोसे गोरोबलायनानै 23 डिसेम्बराव साथामखौ गावथारो। पाकिस्तान प्रापजित मड्युलजों लोब्बा गोनां बे खालिस्तानफोरनि दखलनिफ्राय तराइ ओन्सोलखौ आबुडै उदां खालामनाया आथिखालाव रैखाथि एजेन्सिफोरनि सिगाडव

सेलेन्स गोनां महरै नुजाथिदो। खालिस्तान मदतगिरि उतरखारिफोर पाकिस्तान सरकार आरो बेयावनि संगालि एजेन्सि आइएसआइनि सरपस्तीजोंबो बेनि गेजेरजोंनो लोगो हमबोबाय थादो, जेब्ला बिसोर गावसोरनि थाखाय आलादा हादत दाबि दैखानायखौ लानानै सुबुंफोरखौ बुथावबाय थादोमोन। पाकिस्ताननि बे आखुआ बै समावनो खौराडाव थाबाय थायोमोन आरो दिनेबो। नब्बेनि जौथायाव जरनेल सिंह एबा भिंडरावालानिफ्राय लानानै आथिखालाव खालिस्तान मदतगिरि अमृतपाल सिंहआ तराइ ओन्सोलखौ हादत बेरेखा हाबाफारिफोरनि थाखाय बाहायदो। आथिखालाव पान्जाबनि आगुनि लेडइ गिबि मन्थि सुखबीर सिंह बादलनि सायाव गाग्लोबनाय नारायण सिंह चौडाआबो रैखाथि एजेन्सिफोरनाव जेरा सेबनायाव हाथियारफोरनि बाखिखौ लखिमपुर खिरियाव दोनखोमानाय बाश्राखौ सिमान लादोमोन।

मेलबर्नआव भारतआ जोबथा मोननै मेचफोरखौ देरहानो हादों

गोदान दिल्ली, 25 डिसेम्बर: बर्डर-गाभास्कार ट्रफीनि ब्रैथि टेस्टखौ मेलबर्ननि क्रिकेट ग्राउन्डआव गेलेनाय जादों। भारतआ गिबि आरो अस्ट्रेलियानि नैथि टेस्टखौ देरहानो हाखांबाय आरो थामथि टेस्टआ इ जादों। बेनिखायनो बे सिरिजआ 1-1 जों समान जानानै दड़। टीम इन्डियाआ जुदि जोबथा मोननै मेचनि गेजेराव मोनसे मेच देरहायोब्ला ट्रफी देरहानायनि मिजिं दड़। एमसिजिआव भारतनि थाखाय बयनिखुइ बांसिन रनखौ सचिन तेन्दुलकारआ खालामदोंमोन। एरैहाय एक्टिब बेटासनि मुखव भिराट कहलीनि मुख गिबियाव



दड़। बलारफोरनि गेजेराव जशप्रीट भुमराहआ बयनिखुइ बांसिन उइकेट लानो हानाय भारतनि गेलेगिरि। जर'खा बाश्रया बेबोदि, भारतनि टीमआ मेलबर्नआव गावसोरनि गेलेनाय

मोननै टेस्टखौ देरहानो हाखांबाय। 2018 आव भारतनि हान्याया 137 रननि फारागथि आरो 2020 आव 8 उइकेटजों देरहासार जानो हादोंमोन। सोलिफु हान्यायाव भिराटआ

बयनिखुइ बांसिन रन खालामनो हानाय फारिलाइआव दड़। बिथाड 2024 आव गोबांथार बाउन्डरि बारहोनानै टेस्ट इ खालामदोंमोन। जेराव कहलीआ गिबि इन्सिआव 169 रन आरो

नैथि इन्सिआव 54 रन खालामनो हादोंमोन। कहलीआ 2018 आव 137 रननि फारागथिजों देरहानायावबो भारतनि हान्यानि थाखाय गाहाइ बिहोमा होनो हादोंमोन। बै मेचआव बिथाड केपेन महरै दैदेन्नानै 82 रन खालामनो हादोंमोन। सोलिफु भारतनि हान्यायाव जशप्रीट भुमराहआ मोननैल'टेस्ट गेलेनायावनो 15 उइकेट लानो हाबाय। बेयो सोलिफु सिरिजनि टप उइकेट लानो हानाय गेलेगिरि जादों। बेनि उनाव महम्मद सिराजआ एमसिजिआव मोनसे टेस्ट गेलेनानै सा 5 उइकेट लानो हादों। सचिन तेन्दुलकारआ अभारअल टप स्करारफोरनि गेजेराव भारतनि हान्यानि थाखाय मेलबर्नआव अस्ट्रेलियानि हेंथायै गिबि मेचखौ 1948 माइथायाव गेलेदोंमोन। बै समनिफ्रायनो बयनिखुइ बांसिन रन खालामनो हानाय भारतयारिफोरनि गेजेराव सचिन तेन्दुलकारआ टप महरै थाबोनो हादोंमोन। बे सिरिजखौ गेलेनायनि फारिलाइआव तेन्दुलकारआ मोन 5 टेस्ट नडै खौ रोखायै मेचआव 449 रन खालामनो हादों।

आइसिसिआ सेम्पियन्स ट्रफीनि समफारिलाइखौ फोसावबाय भारतनि अपेनिं मेचआ बांलादेशजों जागायगोन

गोदान दिल्ली, 25 डिसेम्बर: आइसिसिआ सेम्पियन्स ट्रफी 2025 नि समफारिलाइखौ दिनें फोसावबाय। हाइब्रिड मडेलआव खुंजानो गोनं बे दुर्नामेन्टआ 19 फेब्रुवारिनिफ्राय जागायनानै 9 मार्चसिम सोलिगोन। गासै 19 सानफोरव बे दुर्नामेन्टनि गासै मोन 15 मेचफोर गेलेनाय जागोन। नैथि सेमिफाइनल आरो फाइनल मेचनि थाखाय रिजार्भ डेबो लाखिनाय जादों। बे दुर्नामेन्टआव भारत आरो पाकिस्ताननि गेजेराव ग्रुप मेचआ 23 फेब्रुवारिखालि दुबाइआव जागोन। भारतनि हान्याया गावसोरनि गासै मेचफोरखौ दुबाइआवनो गेलेगोन। भारतयारि हान्यानि ग्रुपआव बांलादेश आरो निउजिलेन्डआबो दड़। दुबाइआव मोनसे सेमिफाइनलखौबो खुंजाय जागोन। जुदि भारतआ फाइनलाव सौहैयोब्ला बे मेचखौ दुबाइआवनो गेलेगोन। बेराफासै दुर्नामेन्टनि गुबुन मोन 10 मेचफोरखौ पाकिस्तानआव खुंजाय जागोन। मख'नाय जायोदि, सेम्पियन्स ट्रफीआ 8 बोसोरनि उनाव खुंजानो थांगासिनो। थांनाय 2017 माइथायाव जोबथा खेब बे



दुर्नामेन्टआ खुंजादोंमोन। आरो बेयाव पाकिस्ताननि हान्याया भारतखौ फाइनलाव फेजेन्नानै देरहासार जानो हादोंमोन। बे दुर्नामेन्टआव बांलादेशनि हेंथायै गेलेनायजों भारतनि हान्याया जागायगोन। ग्रुप-एआव भारतजों लोगोसे पाकिस्तान, बांलादेश आरो निउजिलेन्डनि हान्यायाबो दड़। गुबुन मोनसे ग्रुपआव अस्ट्रेलिया, इलेन्ड साउथ आफ्रिका आरो आफगानिस्ताननि हान्याया दड़। फेगौ बोसोर 2025 नि 4 आरो 5 मार्चखालि बे दुर्नामेन्टनि मोननै सेमिफाइनलआ खुंजागोन आरो 9 मार्चखालि फाइनल बादायलायनाया खुंजागोन। सेम्पियन्स ट्रफी 2025 आव भारतनि गासैबो

मेचफोरखौ निउट्रल भेनुआव खुंजाय जागोन। बबेखानि भारत आरो पाकिस्ताननि हान्याया मोनसेआ गुबुन मोनसे हान्यानि हादरआव थांनानै गेलेनाय नड। थामहिन्बा भारतआ पाकिस्तानआव थांनानै बे दुर्नामेन्टनि मेचखौ गेलेनाय नड। पाकिस्ताननि हान्यायाबो 2027 सिम जायखि-जाया दुर्नामेन्टनि थाखाय भारतआव फेनाय नड। मख'नाय जायोदि, आइसिसिआ थांनाय 19 डिसेम्बरखालि बे दुर्नामेन्टखौ खुंजायनि थांखिखौ लादोंमोन। भारतआव 2025 आव अमेन्स वन्डे वर्ल्ड काप, 2026 आव टी-20 वर्ल्ड काप खुंजाबावगोन। बेनि सिगां जेक्का आइसिसिआ सेम्पियन्स

ट्रफी 2025 खौ हाइब्रिड मडेलआव खुंजायनि बाश्राखौ पाकिस्तान क्रिकेट बर्डनो फोरमायथिदोंमोन। अब्ला पाकिस्तान क्रिकेट बर्डनो आइसिसिनि सिगाडाव भारतआव गावसिनि हान्याया दै थायहरनाय तेन्दुलकारआ मोन 5 टेस्ट नडै खौ रोखायै फोरमायखादोंमोन।

(1 बिलाइनिफ्राय)

खोला बिजनी दख'रा एबसुनि सनाथि माइथाय फोबों आरो सावदरिभिता गुदि बर'थुनलाइ आफादिनि जथुम खुंनो साखा फारा

आफादगिरि मासि सामलायनायाव खुंजानो गोनं गेवलां मेलखौ बिटिआरनि गाहाइ मावफुं सोद्रोमा प्रमद बर'आ बेखेवना होगोन। मेलाव गोसोखां लाइसि आरो बिजाब बेखेवगोन बर'सावथुन मुलुगनि फावखुंगु मन्डेला उरफे दैमासा ब्रह्मआ। गेवलां मेलाव मिरु एबसुनि गाहाइ नेहाथारि खनिन्द्र बसुमतरिआ गाहाइ आलासि महरै, एबसुनि बाक्सा जिल्ला आफादिनि आफादगिरि उमेश दैमारी, सालबारि जिल्ला बर'थुनलाइ आफादिनि नेहाथारि बिक्रम बसुमतरिआमोनहा थांखिजानाय बुंथिगिरि महरै बाहागो लाफेनायजों लोगोसे बिटिआरनि सालबारि बियाबनि एमसिएलए जय मुसाहारी, कक्लाबारि बियाबनि एमसिएलए मन्तु बर', सालबारि टिसिएलसिसिनि मासिगिरि बिनद मुसाहारीमोनजों लोगोसे माखासे जर'खा सुबुंफोर माननि आसालि महरै बाहागो लाफेगोन। फारसेथिं हराव हरिसुआरि हाबाफारि खुंजाय जागोन होन्नानै फोरमायदों।

थांखि लानाय आरो सिमां सुजुनाया बारा गिदिर खोथा नड बेयाव सहैनांगोनि थाखाय सामफ्रोमबो खामानि मावनायासो गिदिर खोथा: सोमावसार बसुमतरि

सोलोंथाइ, समाजजों लोगोसे गोबांथार बेसेनगोसा बिबुंथि लाखियो। बिबुंथिनि गेजेरजों ओरै बुजे 'थांखि लानाय आरो सिमां सुजुनाया बारा गिदिर खोथा नड बेयाव सहैनांगोनि थाखाय सामफ्रोमबो खामानि मावनायासो गिदिर खोथा-। बेबायदिनो गोबांथार बेसेनगोसा बिबुंथिनि गेजेरजों गोबांथार थुलुंगा होयो फरायसा-फरायसुलि बिथांमोनखौ। बे हाबाफारियावनो बाहागो लाफानो हायो मिरु दुलाराय बर'फरायसा आफादिनि लोगो हारिमु नेहाथारि बुद्धिम बसुमतरि, कक्राझार जिल्ला दुलाराय बर'फरायसा आफादिनि लोगो गेलेमु नेहाथारि सानसुमा नार्जिरि, चिरां जिल्ला दुलाराय बर'फरायसा आफादिनि आफादगिरि दिलिप नार्जिरि आरो बिथांनि मावथिफारिया बिथांमोन बे हाबाफारियावनो बाहागो लाना मेहेरगोनांसिन खालामो हालामनि फोरोंगिरि, दिथागिरि रायजो-राजा आरो फरायसा-फरायसुलि बिथांमोनहा।

कक्राझारआव जेहादीनि गोबां बिबांनि हाथियारफोर बोखांदों

बोखांनो मोन्नाय हाथियारफोरजों लोगोसे गंभ्रे हेन्ड मेड इइफल, गर 34 गोथां गुलि, गर 24 खालि कार्टुज बोखांनो मोन्दों। बेनि अनगायैबो आइइउडि बानायनायो थाखाय बाहायनाय मुवा-बेसादफोरखौबो बोखांनाय जादों। मख'नो गोनांदि, थांनाय 17 डिसेम्बरव कक्राझार जिल्लानि गुबुन गुबुन ओन्सोलाव जेहादीनि हेंथायै नागिरसंनाय हाबाफारि लानानै एसटिएफआ माखासे जेहादीफोरखौ हमनो हादोंमोन। जायनि उनाव बिसोरखौ सौलु सौनायनि थाखाय गुवाहाटीसिम लानानै थांदोंमोन। हमजानाय जेहादिफोरनि गेजेराव आबुल जहर शेख (30) नि सिमान जानायनि बिथायाव गोजोननि थासारि सोमजिनाय कक्राझारनि गुबुन गुबुन ओन्सोलाव नागिरसंनाय हाबाफारि लानानै गोबां बिबांनि बेरफुग्रा मुवा-बेसाद, हाथियार, गुलिफोरखौ बोखांनो मोन्नाय जादों। फारसेथिं हमजानाय जेहादी आबुल जहर शेखनि सिमान जानायव कक्राझारनि जयपुर नामापरानिफ्राय हाथियारफोरखौ बोखांनो मोन्दों होन्ना डिजिपिआ दिनें टुइटनि गेजेरजों फोरमायना होदों। गुबुनफारसे एसटिएफनि हान्याया कक्राझार पुलिसनि हेफाजाबव सेरफांगुरिनिफ्रायबो सामिंति मिर्दा मुनि सासे सुबुंखौ हमनो हादों होन्नानैबो मिबथि मोन्नाय जादों।

भारत रत्न अटल बिहारी बाजपेयीनि मुसुखा बेखेवदों

आफादगिरि, भारतीय जनता पार्टीनि सासे मावफारिया आरो माहारियारि आफादगिरि, हादतनि गाहाइ मन्थि महरै अटल बिहारी बाजपेयीआ खेबथाम मावबिबान फालिनानै भारतबर्षखौ जौगाखां होदोंमोन होन्नानै बिथाड बुंदोंदि,सासे बाराग' गाहाइ मन्थिआ जौगाखानायनि गोदान लामा दिन्थिखालदों। बिथाड बुंदोंदि, बाराग' गाहाइ मन्थि अटल बिहारी बाजपेयीआ आसामारिनि थाखाय मोनसे जरखा मुं। आसामनि गुबुन हादतनि नोगोरारिनि जेनानि हेंथायै सोमावसारनायाव आबुइ हेफाजाब होदोंमोन आरो अलखदिनि समाव आसामारिनि खाथियाव सासे गेदेमा दैदेनगिरिया जेब्लायबो थाफादोंमोन। भारतीय जनता पार्टी आरो दुलाराय भारतआरि फरायसा परिषदआ बे समनि गुबुन हादतनि नोगोरारिफोरखौ होखारनाय सोमावसारनायनि फारसे सुबुंफोरनि बिबुंथि लानायनि थाखाय नाजादोंमोन होन्नानैबो बिथाड बुजे। गिबि मन्थिआ बुंदोंदि, अटल बिहारी बाजपेयी, लाल कृष्ण आडवानी, जसबन्त सिंजों लोगोसे बै समनि भारतीय जनता पार्टीनि गोजौ थाखोनि दैदेनगिरिफोर आसामनि गासैबो जिल्ला सदरफोरव थांनानै आसाम सोमावसारनायनि फारसे गो-गोथो गैयाजासे हेफाजाब होनायनि बाश्राखौ आसामारि राइजो-राजाफोरनो फोरमायदोंमोन। अटल बिहारी बाजपेयीआ गावनि जिउनि समाव आसामनि गुबुन गुबुन ओन्सोलाव दावबायनानै राइज्योजों मोनसे आंगोनि सोमोन्दो सोजिदोंमोन होन्नानै बिथाड बुंदोंदि, आसामनि जेना आरो आसामनि जौगानायाव होबथानाय खामानिफोरखौ बोखारनो बाजपेयीआ फोथयजाथाव समायखिरा लादोंमोन। अटल बिहारी बाजपेयीआ गाहाइ मन्थिनि बिबान लानानैगो गिबि खेबनि थाखाय सा-सान्जा ओन्सोल जौगाखां बिफान एबा डनार बिफान दाफुदोंमोन। अटल बिहारी बाजपेयीआ बुंदोंमोनदि, हादतनि सम्पदआव सा-सान्जाया गिबि मोन्थाय दड़। बिथाड मिरु बाजेटआव 10 जौखोन्दो सा-सान्जानि थाखाय बाहायनायनि थांखि लादोंमोन। जेराव रंखाथि बोसोरव बे धोनखौ खरसा खालामनो हाया। बाराग' गाहाइ मन्थिआ खेबथाम मावबिबान सामलायनाय समाव सा-सान्जानि जौगाखानायनि बिथिडव गावखौ थिसदोंमोन। बाजपेयीआ गोथौयै सानखंदोंमोनदि, आन्सोलनि राइज्योफोरव जेक्का राइज्योआरि इन्भेसमेन्टआ जायाब्ला, बेबादियाव सा-सान्जाया जानगाराव थांगोन। बाजपेयीआ आरोबाव फोथयदोंमोनदि, ओन्सोलारि फारागथिया सा-सान्जानि सरसनखा सुबुंफोरखौ बांसिनथारै दुखु मोनहोगोन आरो बेयो उतखारि, हिंसा आरो सोमावसारनायनि मोनसे थावनि महरै मिबथि जागोन। गिबि मन्थिआ बुंदोंदि, एनएलसिपिआर, डनार बिफान, मिरु बाजेटआव 10 जौखोन्दो धोन सा-सान्जानि थाखाय गथायनाय बायदि थांखिजों जौगाखानायनि मोनसे गोदान सिमां नुहोदोंमोन। गिबि मन्थिआ बुंदोंदि, गिबि खेबनि थाखाय सा-सान्जायाव खोमसिनि थासारिखौ बोखारनानै सोरंनि जौथिजों आलारि बाति फोजोंनो नाजादोंमोन। बिथां बाराग' गाहाइ मन्थि 2003 माइथायाव गिबि खेबनि थाखाय बर' रदायाव मुंसायदोंमोन आरो बड'लेण्डआव गोजोननि थासारिया बै समनिफ्रायनो जागायदोंमोन। बे गोजोननि जोलैखौ अटल बिहारी बाजपेयी आरो लाल कृष्ण आडवानीआ गायदोंमोन। बेखौ 2020 माइथायाव गेदेत बिफांसिम गाहाइ मन्थि नरेन्द्र मदि आरो नख'र मन्थि अमित साहआ महर होदोंमोन। गिबि मन्थिआ बुंदोंदि, अटल बिहारी बाजपेयीआ आसाम अइल डिभिजनखौ गिबि खेबनि थाखाय एक्सेइज खाजोनानिफ्राय रेहाय होदोंमोन। लोगोसेनो लकप्रिय गपिनाथ बरदलैनो भारत रत्न गथायनायनि अनगायैबो गुवाहाटी उरां जाहाज गाथोनखौ लकप्रिय गपिनाथ बरदलै उरां जाहाज गाथोन महरै मुं होदोंमोन। राइज्योआव एसेबां गेदेत बिहोमाफोरखौ आगुआव रवबो गाहाइ मन्थिआ होयाखैमोन होन्नानैबो बिथाड बुजे। जगिषपा आरो पन्वरबनि गेजेराव लुजानाय नरपारायण दालानि धोन जगायदोंमोन आरो 1998 माइथायाव बे दालांखौ बाजपेयीआ आसामनि सरसनखा सुबुंफोरनि सिबिथायाव बाउन्नानै होदोंमोन। आसाम फाहामथाय फरायसालिमानि थाखाय बे समावनो 100 कौटि रं गथायना होदोंमोन। गिबि मन्थिआ बुंदोंदि, बाजपेयीआ गपिनाथ बरदलैनो भारत रत्न गथायनायनि उनाव गाहाइ मन्थि नरेन्द्र मदिआ ७ भुपेन हाज रिकानो भारत रत्न गथायदोंमोन। दिनेंनि हे हाबाफारियाव भारतीय जनता पार्टी आसाम प्रदेशनि आफादगिरि भबेश कलिता, भारतीय जनता पार्टी, आसाम प्रदेशनि इन्सार्स हरिश त्रिबेदि, राइज्योआरि आफादआरि-नेहाथारि रबिन्द्र राजु, राइज्यो सरकारनि मन्थिफोर फारियै जयन्त मल्ल बरुवा, अशक सिंहल, डा. रनज पेगु, नन्दिता गार्लसा, रुपेस गवाला, भारतीय जनता पार्टी आसाम प्रदेशनि गाहाइ नेहाथारि आरो एमएलए दिप्तरुन्जन शर्मा, एमपि बिजुलि कलिता मेथि, गुवाहाटी नोगोर आफादिनि मेयर मृगेन शरनिया, गुवाहाटी नोगोरमा जौगाखां बिफाननि आफादगिरि नारायण देकामोनजों लोगोसे दोलोनि मावफारिया आरो माखासे मान गोनं सुबुंफोरा बाहागो लाफेदों।

द्वारकुसि दख'रा एबसुनि रुपाथि माइथाय फोरबो फालिथाइआ जोबलांबाय

तामुलपुर जिल्ला एबसुनि आफादगिरि बानेस्वर नार्जिरिआ बेखेवनाय होयो आरो रायजोफोरनि सिगांआव बेसेनगोसा बिबुंथि लाखियो। बे गेवलां मेलनि हाबाफारिआवनो दुलाराय बर' फरायसा आफादिनि आखाथि लोगो नेहाथारि दिनेस ब्रह्मआ गाहाइ आलासि महरै बाहागो लायो। आथिखालाव दुलाराय बर' फरायसा आफादआ बर' माहरिनि रैखाथि थामोन्था आरो जौगाथाइनि फारसे खामानि मावलांनो लानाय थांखिफोरखौ रायजोफोरनि गेजेराव फारियै फोरमायथिनानै होयो। बिटिआर गोरबथानि आद्रा थानाय रादायफोरखौ थाबैनो मावफुंजोबनो नांगोनि थाखाय दुलाराय बर' फरायसा आफादआ आसाम सरकार आरो भारत सरकारनि फारसे गोखों नारसिन्दों। गोरबथानि रादायफोरखौ थाबैनो मावफुंजोबनो नांगोनि थाखाय एबसुआ गोखों खामानि मावगासिनो दं होन्ना मिरु एबसुनि लोगो नेहाथारि दिनेश ब्रह्मआ फोरमायथियो।

कक्राझारआव हिट एन्ड रान जाथाय

नागिरनानै दिहुनो नाजाबाय थादों। जाब्रबथायनि महरखौ नायनानै डाम्पार बायदि गेदेत गरिया जाब्रबथाय सोमजिहोलादों होन्ना सन्देह खालामनाय जादों। मख'नो गोनांदि, सरसनखा आखुनि प्रदिप नार्जरीआ थांनाय हराव हरनि 7:30 रिगासोयाव बालाजान टिनालिनिफ्राय न'सिम फेबाय थानाय समावनो जाब्रबथाया सोमजिदों। बालाजान टिनालीनिफ्राय न'सिम स्कुटिजों (एएस 16 के 8548) थांबाय थानाय समावनो प्रदिप नार्जरीखौ जेडि रडनि लावरिपारायाव सिनायथिनो मोने गरिया सौखलायो। गोब्राबथारै जोखोम जानाय प्रदिप नार्जरीखौ फाहामसालिसिम लांनाय जादोंमोनब्लाबो फाहामगिरिया प्रदिप नार्जरीखौ जिउ गोमाबाय होन्ना फोसावना होदों। दिनें पस्टमतेम आन्जाद खालामखानायनि उनाव गोथे सहखौ गावनि न'सिम लाबोनाय जायो। प्रदिप नार्जरीनि गोथे सहआ न'आव सौफेनाय लोगो लोगो थाखुलिथाय दुखुनि थासारि सोमजिदों। ओन्सोलनि राइजो-राजाफोर गावसोरनि मोजं मोन्नाय दैदेनगिरिखौ दुखुनि थासारिजों जोबथा बिदाय होदों। गुबुन फारसे बिटिसि एलएनि बेरेखा दोलोनि गाहाइ आरो सालाकाटि गौथुमारि बियाबनि बिसायख'जानाय एमसिएलए देरहासार बसुमतरि, बाराग' मन्थि प्रमिला रानी ब्रह्म, बिपिएफनि देबोरगाव ब्लक आफादिनि आफादगिरि गिलबार्ट बरायारी, नेहाथारि आगोमा बसुमतरि, देबरागाव ब्लक बिपिएफनि आइजो आफादिनि आफादगिरि सुकन्तला बसुमतरि, नेहाथारि सबिता बरायारी, कक्राझार जिल्ला आइजो बिपिएफनि नेहाथारि रमा देबि, बिपिएफनि मिरु आफादिनि आफादआरि नेहाथारि कमलि बसुमतरि, सा-कक्राझार दख'रा एबसुनि आफादगिरि मिर्जै ब्रह्म, बालाजान टिनाली इउटि एबसुनि आफादगिरि दैमालु बरायारी, बालाजान टिनाली फालांगिरि आफादिनि आफादगिरि धनन्जय नाथ, नेहाथारि दरबिन्द बसुमतरिमोनजों लोगोसे माखासे जरखा सुबुंफोर जिउ गोमानायनि न'सिम फेनानै जोबथा मान बाउदों। बिटिसि एलएनि बेरेखा दोलोनि आफादगिरि आरो सालाकाटि बियाबनि बिसायख'जानाय एमसिएलए देरहासार बसुमतरिआ प्रदिप नार्जरीनि जिउ गोमानायखौ बिपिएफ दोलोनि थाखाय जोबोद खहा होन्नानै दायनिगिरिखौ सिनायथिनानै गोखों साजा होनो पुलिस खुंथायनिसिम खावलायदों। फारसेथिं प्रदिप नार्जरीनि जिउ गोमानायव दुखु फोरमायनानै बालाजान बिष्णु देबतर हाथाइ जौगाखां आफाद आरो बालाजान टिनाली फालांगियारि आफादआ जुथायै गाबोन एबा 26 डिसेम्बरखालि फुनि 6 रिगानिफ्राय सान्जौफुनि 12 रिगसिम 6 घन्टानडे बालाजान टिनाली हाथायखौ बन्द' लाखिगोन होन्ना फोरमायना होदों। मख'नो गोनांदि, जिउ गोमानाय प्रदिप नार्जरीआ बिसि, सातै फिसाज्ला आरो माखासे अन्यायगिरिफोरखौ बे संसारनिफ्राय नागरलाजे।

(1 बिलाइनिफ्राय)

सालवारियाव बिजेपिनि मोजां खुंथाय साननि हाबाफारि खुंदों

बिबानि माला गानहोनानै मान बाउयो भवनिपुर बिधान सभा बियाबनि एमएलए पनिधर तालुकदारआ। बिबान मान बाउनाय हाबाफारिखौ बिजेपिनि सालबारि मन्डल आफादिनि आफादगिरि फुलकेश दासआ बेखेवना होयो। बेनि अनगायैबो बिजेपिनि सालबारि मन्डल आफादिनि बान्यायनायाव गेदेत शान्ति बाजार, गाति, सामुवा गातिजों लोगोसे सालबारि महकुमानि गुबुन गुबुन ओन्सोलाव माखासे बिजेपिनि दैदेनगिरि-मावफारिया आरो राइजो-राजाफोरा गोजोन, गोरबलायनाय, मोजां खुंथायनि स्ल'गानजों बेनार, दोलोआरि फिर्फिला, प्ले कार्ड दिन्थिनानै गेदेत लामा हान्या सुनाय हाबाफारि खुंदों। जागायजेन्नायावनो एमएलए पनिधर तालुकदारआ बेखेवना होनाय लामा हान्या सुनायनि बेखेवनाय हाबाफारियाव बिजेपि आइजो चेलनि बाक्सा जिल्ला आफादिनि आफादगिरि कबिता पाठक, दोलोनि जनजाति मर्चानि दैदेनगिरि पुर्न गयारीमोनहा आलासि महरै बाहागो लाफेदों। सान्जौफुनिफ्राय शान्ति बाजारव मोनसे सुबुं गौमाबो खुंजाय जादों। गुबुन फारसे, बिजेपिनि सालबारि मन्डल आफादिनि सिडव थानाय मोन 101 बुधआव बुध आफादफोरा दिनें आलादा आलादायै बाराग' गाहाइ मन्थि अटल बिहारी बाजपेयीनि जोनोम सान आरो मोजां खुंथाय सानखौ खुंजाय जादों होन्ना बिजेपिनि सालबारि मन्डल आफादिनि आफादगिरि फुलकेश दासआ फोरमायदों।

आनान्द बाजार आन्सलिक फरायसा आफादिनि गोदान मावफुं आफाद दादों

नेहाथारि डेनियेल दास, सालबारि मिरु फरायसा आफादिनि आफादगिरि रुपम सुत्रधर, सान्तिपुरि दालाय फरायसा आफादिनि नेहाथारि उदिपत मदाहिमोनहा आलासि महरै दुलाराय आसाम फरायसा आफादिनि थांखि, नेमखान्थि आदर्शन सायाव बिबुंथि लाखिदों। मेलाव कौशिक कलिताखौ आफादगिरि, मुशेद आलमखौ लेइइ आफादगिरि सिमान्त कर्मकारखौ गाहाइ नेहाथारि, पबित्र बर्मन आरो ध्रितिराज दासखौ लोगो नेहाथारि, रकेश दासखौ सोलेंथाय नेहाथारि, देबासिशा गस्वामीखौ हारिमु नेहाथारि, नबजित बर्मनखौ फोसावदि नेहाथारि, मौसम दासखौ बोसोनगिरि महरै लाना सा 51 सो सोद्रोमानि गोदानै आनान्द बाजार आन्सलिक फरायसा आफादिनि मावफुं आफादखौ दानाय जादों। मेलाव आनान्द बाजार आन्सलिक फरायसा आफादिनि गोदानै दाजानाय मावफुं आफादनो बाक्सा जिल्ला फरायसा आफादिनि गेजेरजों बिबान होनाय जायो।

गाहाम देहानि राहा

गोजां बोथोरनि मैंगं आरो फिथाइफोरा देहानि थाखाय मुलाम्फा गोनां

गोजां बोथोराव हाबनाय लोगो लोगो बाजारआव गोबां मैंगं-थाइंगं आरो फिथाइफोरखौ मोन्नो हायो। देहाखौ गोग्गोयै लाखिनो थाखाय गोथां मैंगं-थाइंगं फोरनि अनगायै फिथाइफोरखौबो जानांगौ। बे बोथोराव बांसिनै बिट, गाजर, कमलाफोरखौ मोनो, जायखौ गोरलैयैनो डाइटआव आजवानो हायो। बेफोरो एन्टि अक्सिडेन्ट गुनफोरजो आबुं जायखौ सानफ्रोमबो जायोब्ला मेटाबलिज्मा पुस्त जायो आरो देहानि लिरथायखौ खम खालामनायाव मदत मोनो। बेनि अनगायै इम्युनिटिया बुस्ट जानायजो लोगोसे खर'नि खानाय आरो बिगुरआबो गाहामैनो थायो।



खालामनायावबो मदत खालामो, लोगोसे ब्लाड प्रेसर, ब्लाड सुगारखौबो सामलायना लाखिनायाव मदत खालामो। गोजां बोथोराव गाजरखौ सानफ्रोमबो जायोब्ला देहानि बिगुरआ जांखोल जानायजो लोगोसे बिगुरखौ बेरामफोरनिफ्रायबो रैखाथि होयो।

(1) बिट : बेखौ सुपारफुड गनायनाय जायो। बेयाव मोन्नो हानाय नाइटेउआ खर' मेलेमाव थै खारथायखौ मोजाडे लाखिनायजो लोगोसे मोदोम बेदतफोरखौबो गोरा खालामो। बेनि अनगायै बेयो देहानि लिरथायखौ खम खालामनाय आरो ब्लाड प्रेसरखौ खम खालामनायबो मदत खालामो।

(2) गाजर : गाजरआव केलरी, प्रटिन, मेजेम, फाइबर, भिटामिन ए, भिटामिन सि, के पटसियाम बायदिया गोबां बिबांनि थायो। बेखौ जायोब्ला मेगननि नोजोरा गाहामै थायो। गाजरआ इम्युनिटि बुस्ट

जुसआ देहानि थाखाय मुलाम्फा गोनां। बेयाव बाडइ बिबांनि केलरि थानायजो लोगोसे गोबां बिबांनि फाइबरबो मोन्याय जायो। बेयाव भिटामिन सिखौबो गोबां बिबांनि मोन्याय जायो जाय निगमनि थाखाय मुलाम्फा गोनां आरो इम्युनिटिखौबो पुस्त खालामो सानफ्रोमबो कमला जायोब्ला, ब्लाड प्रेसरआ कन्ट्रलवै थायो आरो गोगा-गुजनायनिफ्राय रैखाथि लाखिनायजो लोगोसे किडनीआव अन्थाइ जानायनिफ्रायबो देहाखौ जानगायव लाखियो।

(3) आपेल : बेखौ सुपारफुट मानिनाय जायो। सानफ्रोमबो फुंआव थाइ 1-1 आपेल फिथाइ जायोब्ला, माखासे गिखंथाव बेरामफोरनिखुइबो रैखाथि मोन्नो हायो। बेयाव ख'नि सिंखि भिटामिन आरो एन्टि अक्सिडेन्ट मोनो, जाय बिखा, किडनी, बायदिनि थाखाय मुलाम्फा गोनां।

(4) कमला : कमलानि

'बेबि जन' सावथुना 'पुष्पा 2' जों लोगोसेनो रिलिज जादोंमोन

'पुष्पा 2 दा रुल' सावथुना जेब्ला बक्स अफिसआव गावनि दोहौ सोमजिहोबाय थारदोंमोन अक्ला बे समावनो 'बेबि जन' सावथुनाबो लिरिज जादों। बेयो 2016 माइथायाव फेनाय थलापति भिजय, सामन्था आरो एमि जेक्सननि फाव खालामनाय सावथुन थेरिनि रिमेक। बे बोसोराव रिलिज जानाय रिमेक सावथुन सरफिय, खेल खेल में आ बक्स अफिसआव सोलिनी हायाखै मोन। थेरिनि डायरेक्सनखौ एटलिया होदोंमोन, जाय थानाय बोसोराव शाहरुख खानजों मुजिथावन 'जवान' सावथुन बानायदोंमोन। आथिखालाव एटलिन एसिस्टेन्ट कालिसआ



सावथुननि डायरेक्सननि खामानिखौ सामलायदों। बबेखानि एटलिआ बे खेबाव दिहुनगिरिनि फावआ दड। सावथुना हिन्दीआव बानाय जादोंब्लाबो नाथाय खोला भारतआव गलाय-गथायजों बुंफबनाय। सावथुनाव

गथ'फोरनि स्मग्लिं खालामनाय आयदाखौ सरजाबफानानै बेखौ माखासे सावथुनफोरनिफ्राय इसे आलादा खालामनो नाजादों, नाथाय बे नाजानाय सावथुनखौ मुजिथावन बानायनो हायाखै। सल'आ केरलआव सेट जानाय। जन डिस्सिल्वा (वरुण धावन)

स्टेशनआव केस थिसनो। अदेबानि सासे बैसो जायै गथ'खौ माखासे दुथांफोरा होसोयो। ताराया गथ'खौ लानानै थानायाव थाडो। गोसो गैयाब्लाबो जनआ पुलिस स्टेशनआव फेनाडो। मोनायाव माखासे दुथांफोरा जननि न'आव सौहैयो, जेब्ला बिसोरो खुशिखौ थिखोनो बाथा बुडो अक्ला, नोरोम नुग्रा जननि गुबै महरा सोरोडव फेयो। ताराया मिबथियोदि जनआ गागि आइपिएस। बिथाडा रामनि मावग्रानाव जननि सिगांनि बाथाफोरनि सोमोन्दै सोंथि खालामो। बेनिफ्राय जननि जिउनि जारिमिना गोवनो हयो।

आल्लु अर्जुननि सासे बाउन्सारखौ ग्रेप्टार खालामबाय



बोसोरनि मस्ट अवेटेड सावथुन जेराव बक्स अफिसआव मोनसेनि उनाव मोनसे गोदान खामानि मावगासिनो दं। नाथाय फावखुंगुरनि थाखाय 'पुष्पा 2' सावथुना दा गिदिर जेना जानायखौ नुनो मोन्दों। थानाय सानफोरव फावखुंगुरनि न'आव अन्थाइ खुबैनाय जाथाय जानायनि उनाव फावखुंगुरआ गावनि गथ'फोरखौ रैखाथि जायगायाव दैशा हरदोंमोन। बेनि उनाव हाइड्राबाद पुलिसआ

समन फोसावनानै बिथांखौ सोंथि खालामनो थाखाय थानायाव नुजाफेनो थिन्दोंमोन, जायनि उनाव बिथांनाव खमैबो 3 निफ्राय 4 रिगासिम सौनाय-फिन्नाय खालामनाय जादोंमोन। नायबिजिनयनि उनाव खौरां फेदोंमोनदि, फावखुंगुरनि सासे बाउन्सारखौ पुलिसआ ग्रेप्टार खालामबाय। अदेबानि दा मिडिया रिपर्टनिफ्राय आरोबाव मोनसे खौरांआ सोरांआव फेदोंदि, जाथाय जानाय सानाव थियेटराव थानाय सासे सुबुंआ केसनि सायाव माखासे बाथा फोरमायदों। 4 डिसेम्बरखालि सावथुननि प्रिमियरआ सौहैनाय भिजय मुनि सासे सुबुंआ बावैसो सिगां मोनसे रिपर्टजों लोगोसे सावरायनायाव मिबथि होयोदि, माबोरै बै सानाव आइजो थैनायनि थाखाय फावखुंगुरखौल'दाय होदोंमोन। मोनसे रिपर्टआव बाथा सावरायनायाव भिजयआ बुडोदि, आल्लु अर्जुनआल'जे

दायनिगिरि बिब्दि नडा। बे जाथायाव पुलिस आरो सरकारआबो दायनिगिरि। उइटनेसआ बुडोदि, बे सरकारआनोमोन जाय पारमिशन होदोंमोन आरो जाय मोनसे टिकेटनि थाखाय 1100 रं लादों आरो बिसोरो जोंनो मा होदों? बिसोरो जोंनि सायाव लावथि सिबदों, गावजों गाव दाय होलायनो नाजानायनि अनगायै, बयबो गावबा गावनि गोरोन्थिखौ गनायना लानांगौ। आल्लु अर्जुननि मोनसे नुथाइ मोन्नो थाखाय बेवहाय गासै 3000 सुबुंफोर थुबुर जादोंमोन, जायनि पिआर टीमआ सिगांआवनो रोखा खालाम खादोंमोनदि, बियो थियेटरआव सफैसिगोन। फारसेथिं जाय पुलिस स्टेशननि बाथा सावरायगासिनो दं बेयो सिनेमा हलनिफ्राय खमैबो 1 किल'मिटर गोजान, जेराव 3000 सुबुंफोर थुबुर जादोंमोन। अक्लाबो पुलिसआ 20 निफ्राय 25 मावसुमाफोरखौ थिसन्दोंमोन, जाय प्रिमियरनि थाखाय फेनाय भिआइपिनि रैखाथिखौ नायबाय थारदोंमोन। बेनि अनगायैबो जाथाय जानाय साननि मोनसे सिंसिदिथि फुटेजआबो सोरांआव फेदों, जेराव बै साननि नाग-नाथा जानायखौ नुनो हागौ।

फावखुंगुर आमिर खानआ गावनि गात्रिनि हुदानि फारसे माखासे बाथा फोरमायदों



बलिउडनि मिस्टर पारपेक्सनिस्ट आमिर खानआ गावनि सावथुनफोरव जोबोद पारफेक्ट। बिथाडा पर्दायाव गावनि फावफोरजों जेबो कमप्रमाइस खालामा। नाथाय पारसनेल जिउआव फावखुंगुरआबो जों बायदिनो। बावैसो इन्टिभिउआव आमिर खानआ गावनि गात्रि हुदाफोरनि सायाव फोरमायदों। बिथाडा मिबथि होयोदि, मोनसे समाव जौजोंनो गोदोसोनानै थायोमोन। जि मिउजिक कम्पानीनि इडुब चनेलनि थाखाय नाना पाटेकारजों बाथा सावरायनानै आमिर खानआ गावनि गात्रि हुदाफोर आरो बेनिफ्राय रेहाय मोन्यायनि सोमोन्दै बाथा सावरायदों। बिथाडा बुडोदि, आं दा जौ लौनायखौ गाराब। जेब्ला आं जौ लोडोमोन अक्ला हरसे लोंबाय थायोमोन। जेनाया बेनोदि, आं सासे एक्सट्रिमिस्ट बायदि सुबुं। जुदि आं माबाफोर खालामोब्ला बेखौ खालामबाय थालाडो आरो थार'नो रोड। आं मिबथिगो जे बेयो मोजं बेसाद नडा। आं बे बाथाखौ मिबथिनानै थायो, जे आं गात्रि खामानि मावगासिनो दड; नाथाय गावखौनो हमथानो हाया। आमिर खानआ आरोबाव बुडोदि, गावनि पारसनेल लाइफआव जेरैखि जाया मानो नाथाय सावथुननि थाखाय बिथाडा आलादा रोखोमनि सुबुं। सावथुननि सेटआव बिथाडा गासिबो खामानिखौनो थि समावनो मावोमोन आरो दिनेसिम माब्लाबाबो शुर्दिनि थाखाय लेट जाफेरखै। मिबथिहोनाय जायोदि, करिना कापुरजों लोगोसे सिगांनि सावथुन 'लाल सिंह चडडा' नि फ्लप जानायनि उन्ननिफ्राय फावखुंगुरआ पर्दानिफ्राय जानगाराव थारदोंमोन। बबेखानि आथिखालाव बिथाडा 'सितारे जमिन पर' सावथुनजों फेफिन्नो थाखाय थियारि जाबाय। बे सावथुनाव दर्शिल सफारि आरो जेनेलिया डिसुजाखौबो गाहाइ फावआव नुनो मोनगोन।

य' य' हानि सिंहआ शाहरुख खानजों सोबा जानाय खौरां गोसारनायनि सायाव गुवारै सावरायदों

य' य' हानि सिंहनि मेथाइआ जेब्लाबो पपुलर जायो। बिथानि रेप आरो मिउजिकखौ उन्दैफोरल' नडा गिदिरफोरबो मोजां मोनो। नाथाय य' य' हानि सिंहआ मोनसे औरैबायदि समबो फेदोंमोन, जायनि जाहोनाव बिथांआ मिउजिकनि मुलुगनिफ्रायनो जानगायव थारदोंमोन। बै समाव बयबो सारदोंमोनदि, य' य' हानि सिंहआ मेथाइबो रोजाबनाय नंला आरो मिउजिकबो होनाय नंला। बे बाथाखौ गावनो मुंदांखा रेपर आरो सिंगारआ गावनि डक्युमेन्टि 'य' य' हानि सिंह फेमास' आव फोरमायदों। य' य' हानि सिंह फेमासआ बावैसो सिगां अटिदि प्लेटफर्म नेटफिलक्सआव रिलिज जादों। गावनि बे डक्युमेन्टिआव य' य' हानि सिंहआ पारसनेलनिफ्राय लानानै प्रफेसनेल लाइफजोंबो लोब्बा थानाय माखासे बाथाफोर फोरमायदों। बिथांआ गावनि बे डक्युमेन्टिआव शाहरुख खान आरो गावजों लोब्बा थानाय जेनाफोरनि सायावबो फोरमायदों आरो मिबथि होयोदि, थारैनो बै मोनानि समाव मा जामारामोन। य' य' हानि सिंह फेमासआव बे जेनानिफ्राय पर्डा बोखारनानै बिथांआ मिबथिहोयोदि, गावखौ शाहरुख खानआ सोबायाखैमोन, अदेबानि गावनो हानि सिंहआ गावनि खर'आव बुनानै गोबां मगाफोरखौ सिमफायदोंमोन, जायनि जाहोनावनो बिथांआ जोखोम जादोंमोन। य' य' हानि सिंहआ



मिबथि होयोदि, शाहरुख खानजों लोगोसे बिथांहा शिकाग'आव मोनसे कन्सार्ट दंमोन। बै समाव हानि सिंहआ जोबोद बिजि थायोमोन, जायनि जाहोनाव बिथांआ रेस्ट लानो थाखाय सम मोना जायोमोन आरो उन्दुनायाबो मोजाडे आबुं जायामोन। बेनिखानयो कन्सार्टनि समाव य' य' हानि सिंहआ पेनिक एटेक जादोंमोन आरो बिथांआ कन्सार्ट खालामनो नेवसिनो हयो। नाथाय कन्सार्टनि टीमआ बिथांखौ बुरखायनो नाजाबाय थारदोंमोन। उनाव टेन्सन जानानै य' य' हानि सिंहआ गावनि खर'आव गोबां मगाफोरखौ बुफायदोंमोन, जायजों बिथानि खर'आ दुखु मोन्दोंमोन। बेनि उनाव सिंगारआ दाबि दिखोडोदि, मिडियाआव शाहरुख खानआ गावखौ सोबादों होन्नानै खौरां फेदोंमोन नाथाय बेयो थार नडा।

जस्टिन बल्डनीनिफ्राय 'भाइस अफ सालिडेरिटी एवार्ड' बान्थाखौ लाफिन्नाय जादों

हलिउडनि फावखुंगुर आरो डायरेक्टर जस्टिन बल्डनीनि जेनाया जोबनायनि लामायाव फैयाखै। कलिन हुवरनि फेमास बिजाबनि सायाव बानायनाय सावथुन 'इट एन्डस विद अस' नि क-स्टार ब्लेट



लाइभलिआ बिथानि सायाव जिनाहारि खालामनायनि दाय जाबसिनदोंमोन। बे दाय जाबसिन्नायनि उनाव फावखुंगुरखौ गावनि टेलेन्ट एजेन्सिनिफ्राय होखारनाय जादोंमोन। अदेबानि दा खौरां फेदोंदि, फावखुंगुरनिफ्राय मोनसे गिदिर एवार्डखौ फिन लाफिबाय। 9 दिसेम्बरखालि, फावखुंगुर-डायरेक्टरआ वाइटन भाइसनिफ्राय 'भाइस अफ सालिडेरिटी एवार्ड' मोन्दोंमोन। बे एवार्डखौ बै मख'जाथाव हौवा सुबुंफोरनो सन्मान हिसाबै होनाय जायो, जायफोरा

दिन्थिनाय, किसिं सिनखौ सावथुनाव होनाय, बाल्डनि पर्न सावथुन नायनाय हुदा जानाय आरो आथोनारि सोमोन्दो लाखिनो नागिरनाय बायदि बिथिआव सावरायनाया दंफायो। बबेखानि फावखुंगुरनि टीमनिफ्राय बे गासै दायफोर नंखाय होन्नानै मिबथि होदों। बे केसनि सायाव दा फेमास हलिउडनि फावखुंगुरि एम्बर हर्डनिबो रिफेक्सन फेदों। बे जाथायनि सायाव फेनाय उदाडै बाथा बुंनाय बिथांआ गिबि फावखुंगुरि। मिडियाजों लोगोसे सावराय लायनायाव फावखुंगुरि एनबिसिया मिबथि होयोदि, माबोरैहाय सशेल मिडियाआव नंखाय बाथाखौ सैथो हेन्ना गोसार होगासिनो दं। बेजों लोगोसेनो फावखुंगुरिया मिबथि होयोदि, माबायदि सुबुंफोरनाव सशेल मिडियानि गात्रि गोहोम गोलेगासिनो दं। अदेबानि बे केसआव फावखुंगुरआ देहानो हादोंमोन।

'स्कूड गेम' नि नैथि सिजनखौ नुनो मोनसिगोन

2021 माइथायाव नेटफिलक्सआव मोनसे वेब सिरिजआ रिलिज जादोंमोन, जायनि मुंआनो जादों 'स्कूड गेम'। बे स्वखौ नायगिरिफोरा जोबोद अन्साइदोंमोन, जायनि उनाव बेयो नेटफिलक्सनि सुपारहिट आरो बयजोंबो बांसिनै नायजानाय वेब सिरिज जानो हादोंमोन। अदेबानि, दा बे साक्सेसफुल सिरिजनि नैथि सिजनआबो नुजाथिसिगोन। स्वाइवेल ड्रामा सिरिजनि नैथि सिजनखौ अन्साइगिरिफोरा गोबाव समनिफ्रायनो नेनानै



दंमोन आरो दा बिथांमोननि नेनानै थानाय समआ जोबनायनि

लामायाव फेनायखौ नुनो मोन्दों। बे सिरिजखौ क्रिसमास

उडक एबा 26 डिसेम्बरखालि रिलिज खालामगोन। सिरिजनि

स्ट्रिमिनि बाथा सावरायोब्ला बेयो हर गेजेरनि 3 रिगासोनिफ्राय जागोन आरो गासै मोन 7 एपिसदखौ जयै दिन्थिनाय जागोन। बबेखानि, अन्साइगिरिफोरा जेबो हेंथा गैयालासे स्व'खौ नायनो हागोन। नायगिरिफोरा बे सिरिजखौ नेटफिलक्सआव मान्थलि एबा इयारनि साब्सक्रिप्शनजों लोगोसेनो नायनो हागोन। बे सिजनजों लोगोसेनो सिरिजआ गोबां एक्साइटि गोदान ड्रामाजों लोगोसे फेफिन्गासिनो दड।



আসাম সরকার
রোগাথাই বিফান

খুবা বোথোরনি সমাব লামা রৈখাথিনি বোসোন

খুবা খুনায বোথোৱাৰ নুথায়া খম জায়ো, জায়নি জাহোনাৱ জাব্ৰবথায়নি খেঁফোদখৌ বাঁহোয়ো। গাসৈবো লামা দাববায়ারিফোরখৌ খুবা গোনাঁ বোথোরনি সমাব রৈখাথিখৌ রেখা খালামনো থাখায় মাবনো গোনাঁ আৰো মাবনো নাডৈখৌ মানিনো থাখায় বোসোন হোনায জায়ো। ফৈ জোঁ জাব্ৰবথাইফোরখৌ হোবথানো থাখায় জয়ৈ খামানি মাবনি আৰো বয়নিবো থাখায় জোঁনি লামাফোরখৌ রৈখাথি গোনাঁ খালামনি।

মাবনো গোনাঁ

গাসৈ লামা দাববায়ারিফোরনি থাখায়

- লাসৈযৈ সালায়: গাঞ্জি নুথায় আৰো হৰখাব লাখিনানৈ রৈখা মোনো থাখায় লাসৈযৈ গাৰি সালায়।
- জানথায়খৌ থিয়ৈ লাখি: হৰখাব ব্ৰেক হমনায়জোঁ জাব্ৰবথাই জায়ৈনি থাখায় সিংগা ফাৰ্সে খাৰনায় গাৰিনিফ্ৰায় রৈখাথি জান্থায়াব থা।
- নোঁথানি গাৰিখৌ নাৰ্যবিজিৰ: বাইজোআব দাববায়নায়নি সিংগা হেডলাইট, টেল লাইট আৰো উইন্ডসিল্ড বাইফাৰআ মোজাডৈ খামানি মাবনো মাৱা মোজাডৈ নাৰ্যবিজিৰগ্ৰো।
- পগ লাইট দড়অব্বা বেখৌ বাহায়: পগ লাইটখৌ নুথায়খৌ রেখা খালামনো থাখায় ডিজাইন খালামনায় জাদোঁ, জুদি নোঁথানি গাৰিয়াব পগ লাইট দড়অব্বা বেখৌ বাহায়।
- সাংগ্ৰাডৈ থা: গাৰি সালায়নায় সমাব লামায়াব নোঁথানি গোসো হোনাযখৌ লাখি আৰো মবাইল ফন এৰা গোসা দেখো বাৰ্যদি গোসো বায়হোনাযনিফ্ৰায় জানগাৱাব থা।
- ইনডিগেটৰখৌ বাহায়: গুবুন লামা দাববায়ারিখৌ সাংগ্ৰা খালামনো থাখায় লেনখৌ ফিৰ্দিনায় এৰা সোলায়নায় সমাব সিংগাফ্ৰায়নো সিংগেল হো।

সাখা খবনৈ সালায়গিৰিফোরনি থাখায়

- ৰিপ্লেক্টিভ জেকেট গান আৰো গুবুননি নুথায়খৌ সাবসিন খালামনো থাখায় নানোঁথানি বাইকনি টাইল লাইটআ খামানি মাবদোঁ না মাৱাৰে রেখা খালাম।
- হৰখাব ব্ৰেক হমনায়নিফ্ৰায় গোজানাব থা আৰো দিডোম গোঁথিখৌ লাখি।

গিলিৰ গাৰি সালায়গিৰিফোরনি থাখায় (ট্ৰাক/বাসফোর)

- জেব্বায়াবো আগসি লাইনজোঁ বাঁসিন গাৰিখৌ সালায় আৰো খম নুথায়নি থাসাৰিয়াব অৰাৰটেক খালামনায়নিফ্ৰায় গোজানাব থা।
- জুদি নোঁথাডা লামানি সেৱাব গাৰি লাখিডোঁব্বা গুবুন দাববায়ারিখৌ সাংগ্ৰা খালামনো থাখায় খেঁফোদ গোনাঁ লাইটখৌ অন খালাম।

থাবায়গিৰি আৰো সাইকেল সালায়গিৰিফোরনি থাখায়

- গাৰি সালায়গিৰিফোরনি নোজোৱাব গোগলৈনো থাখায় গোজোঁ এৰা ৰিপ্লেক্টিভ জি গান।
- লামানি থিখনায় জায়গাফোরজোঁ থাবায় এৰা সাইকেল সালায় আৰো দাগোঁ গৈযৈ জায়গাখৌ বাৰনায়নিফ্ৰায় জানগাৱাব থা।

মাবনো নাডৈ

গাসৈবো লামা বাহায়গিৰিফোরনি থাখায়

- গোঁথিখৌ বাঁদায় দাখালাম: খুবা খুনায সমাব গোবাঁ গোঁথিখৌ গাৰি সালায়নায় সমাব গিদিৰ জাব্ৰবথাই সোমজিনো হাগো।
- হাই ভিমখৌ বাহায়নো নাডা: হাই ভিমআ খুবাখৌ বাঁসিন খালামো, জায়জোঁ নোঁথানি আৰো গুবুন সালায়গিৰিনি নুথাইখৌ খম খালামো।
- বোথোর সোলায়নায়খৌ নেবসিনো নাডা: জেব্বাসিম গোনাঁথার নডা, অব্বাসিম রোজা খুবায়াব দাববায়নায়নিফ্ৰায় গোজানাব থা।
- হৰখাব দা লাখি: জুদি নোঁথাডা লাখিনাগোঁ জায়ো অব্বা লামানিফ্ৰায় জায়খাৰ আৰো গাবনি থাবনিখৌ দিষ্ঠিনো থাখায় খেঁফোদ লাইটখৌ বাহায়।

সাখা খবনৈ সালায়গিৰিফোরনি থাখায়

- মোজাঁ নুথায় জেৰৈ- মোজাঁ হেডলাইট আৰো ৰিপ্লেক্টিভ গিয়ার গানা লায়ে গাৰি দাসালাই।
- ট্ৰাফিক লাইনখৌ দাবাৰ, গাবনি লেনখৌ থি খালাম।

গিলিৰ গাৰি সালায়গিৰিফোরনি থাখায় (ট্ৰাক/বাসফোর)

- নোঁথানি গাৰিআব জখানি বাঁসিন লড দাখালাম, মানোনা বেয়ো গাঞ্জি নুথায়খৌ সামলায়নায়াব গোব্ৰা খালামনো হাগো।

থাবায়গিৰি আৰো সাইকেল সালায়গিৰিফোরনি থাখায়

- খুবা খুনায লামায়াব থাবায়নায় এৰা সাইকেল সালায়নায়নি সমাব হেডফনখৌ বাহায়নো নাডা আৰো গোসো হোনাযখৌ গৈয়া খালামনো নাডা।

বেফোর রৈখাথি রাহাফোরখৌ ফালিনানৈ জোঁ জয়ৈ খুবা খুনায বোথোরনি সমাব জাব্ৰবথায়নি খেঁফোদখৌ বাডাই খালামনো হায়ো। রৈখাথিয়ে গাৰি সালায়, সাংগ্ৰাডৈ থা আৰো জোঁনি লামাখৌ গাসৈনিবো থাখায় রৈখাথি গোনাঁ খালামনায়াব মদত খালাম।



হৰখাব নম্বৰফোর
ৰৈখাথি হেল্প লাইন নম্বৰ

112 (পুলিসনি হেফাজাব)
108 (হৰখাব ফাহামথাই)
জিল্লা-জৰ'খা হেল্প লাইন
(জায়গায়ারি খুঁথাইজোঁ ফোসাবজানো গোনাঁ)

